



10041

小倉山房
外集

序

隨園先生古文三十卷以駢體六卷爲正集命英序之
英按散行文尚矣然體裁必相題而作常讀韓昌黎黃
陵廟碑柳子厚湘源二妃碑索索無味令人不得不思
王楊盧駱蓋題本做詭難以質言而表啓賀謝之類無
甚意義非徵典不文非耦語不莊先生于此體不多作
亦不輕作存者若干古藻瀕紛大氣旋轉足冠一朝英
擬學李善注文選以公之于天下苦讀書不多未敢貧
相妄測乃先爲之揭其立言之旨而箋釋之功姑俟諸
異日常州受業門人翰林檢討李英拜撰

題隨園駢體文

小倉山房

一

飛書用枚臯典冊用相如子雲實有言兼者其誰與文
章有儷體六經開權輿凡物比奇耦整散爲密疎取材
各有宜載道無差殊揚馬盛西京班張冠東都典論推
七子繼美稱庾徐皆伸七襄手共握璇璣樞袁公秀江
東耳筆游蓬壺是古制誥才學士同中書顧以沈宋身
出曳龔黃裾仕宦忽不樂買山賦閒居栽花作友朋列
屋成畫圖發揮巧匠心結構隱退廬萬卷圍一身才氣
橫太虛位卑乃著作李翱言有諸詩文積三篋億萬光
明珠談笑出五能霑漑卿大夫戶牖筆研陳瓶甕楷墨
儲皇皇四六文雲霞相卷舒百家入箴縷羣史供庖厨
一索貫萬錢任沈顏謝俱文律一動搖宮商卽奔趨詞

源一沃蕩河海咸灌輸越昭事益博慮周藻相數手持
注水箭放溜決川渠思風鼓言泉造化不得拘武夫與
悍卒願爲老鐵奴序傳祖十翼表啓根三謨銘志列俎
豆廟碑肅瓊琚以意立真宰以氣爲匡扶彩繡赴纂組
英華恣含咀花骨屬天稟綺靡亦其餘翡翠戲蘭苕鴛
央立芙蓉纏綿風月懷曲曲相縈紆此體有正宗不收
歐陽蘇何況陳迎陵碌碌章與吳我胸無書籠我腹非
冶爐曾職應付文同官笑其籠自慚張伯松不識楊雄
徒公文我獨嗜負弩充前驅敢學皇甫謐佛頂強加污
乾隆己丑落燈夕館後學蔣士銓題

小倉山房外集 六卷

卷之一

表

擬乞假歸娶表

爲尹太保賀平伊里表

爲莊撫軍賀平伊里表

爲黃太保賀平大金川表

代江南紳士謝 萬壽恩科表

序

鶯脰湖莊詩序

萬柘坡樂于集序

小倉山房

送姚次公刺史之景州序

許南臺悼亡詩序

送尹宮保熱河陪宴西戎序

卷之二

序

贈樊生序

尤貢甫出塞詩序

紅豆村人詩序

周石帆學士西使集序

繡餘吟序

送梅循齋總憲歸宛陵序

李紅亭詩集序

岳水軒詩集序

陳古漁詩概序

王郎曲序爲溫皆山吏部作

卷之三

序

尹公七旬生日授文華殿大學士序

孫小玫簪花圖序

尹似村公子詩集序

竹軒小集詩序

送尹太保從兩江入閣序

小倉山房

瞻園小集詩序

俞楚江詩序

瞻園兩公子送行詩序

尹文端公詩集序

熊蔗泉觀察詩集序

祭文

代渤海相公祭尹太保文

祭吳桓王廟文

公祭襄勤伯鄂公文

檄吳縣城隍神文

祭盧恭人文

卷之四

書

上尹制府書

答王厚齋書

與蔣苕生書

與延綏將軍書

與雨林似村兩公子書

上台觀察書

慰蔣用菴侍御失火書

與楊蓉裳兄弟書

卷之五

小倉山房

啓

代許方伯爲高太恭人徵詩啓

謝金撫軍薦博學鴻詞啓

擅責旗廝謝岱將軍啓

謝薦擢高郵刺史啓

上尹制府乞病啓

爲黃太保賀經略傅公平大金川啓

謝蘇州太守趙文山啓

賀尹太保側室張氏封一品夫人啓

謝瞻園託大中丞賜牡丹啓

爲雲華君翠袖圖徵詩啓

謝尹太保和詩啓

謝慶侍郎贈友鼠裘啓

代請熊滌齋先生重赴鹿鳴啓

募修成仁菴疏

卷之六

碑

任勇烈公神道碑

御祭卞忠貞公墓紀恩碑

重修于忠肅廟碑

兵部左侍郎凌公神道碑

東閣大學士蔣文恪公神道碑

小倉山房

四

六營公立兩江總督尹公去思碑

餘杭諸葛武侯廟碑

墓志

莊西麓先生墓表

誥封奉政大夫江南左營遊擊孫公墓誌銘

誥封資政大夫常德府知府張公墓誌銘

誥封奉政大夫丹陽縣知縣魏公墓誌銘

汪君楷亭墓誌銘

客吟先生墓誌銘

聰娘墓誌

卷之七 補遺

代祝兩江節相渤海公七十壽序

陳涇南修禊詩序

金賢村太守詩序

梅軒先生六十壽序

謝渤海相公元旦賜鹿豕鵝鴨等物及福字啓

爲章太宜人七十徵詩啓

郡文學呂君墓誌銘

孫薇省亡妻王孺人墓誌銘

徐君禮珍墓誌銘

陳淑蘭女子詩序

劉霞裳詩序

小倉山房

五

小倉山房外集卷一

錢唐袁枚子才

擬乞假歸娶表

臣聞五算徵民嘉禮首隆牂合三清論職詞臣本屬閒曹故知納幣親迎卿士可以入告越境反馬春秋不譏曠官况乃宦在婚先妻因夫貴釋褐與結褵並賦花釵與爵弁齊明長源成婚北軍供帳敏中來婦金紫迎風凡文人未有之榮皆 聖代遭逢之盛欽惟

皇帝陛下兩儀合撰三皇如春秉龍德而山澤通吹鳳管而雌雄應雖上林鳴鳥無不帶露雙飛卽太液游魚亦各銜恩逐隊固已民無怨曠草盡繁燕臣西浙童牙

小倉山房

卷一

一

寒門白望十二歲舉茂才二十歲舉鴻博樂昏未擾卽來觀國之光皇雅未歌無服房中之奏是以十年不字三族無虞藉瑟琴平學道之心懼兒女累風雲之氣雉朝飛而有曲雁宵奠以無聲茲蒙 皇上聖恩選臣爲翰林授臣爲吉士才非李白登七寶華牀學愧康成註三商昏義采蘋采藻方陳太史之詩一陰一陽未卜家人之卦因五夜之待漏驚三星之在天愧六禮之行遲感九重之恩早賜面藥口脂于漢臘男子受之而不芳考褒衣衿翟于周官鰕生讀之而有羨蓬山風冷東觀宵長簪筆則金粉飄零早朝而衣裳顛倒偶然割肉無可相遺卽賜沐湯不願居外青綾被好孤熏郎署之香

黃紙緘封虛貯孺人之號仙侶疑其命隻中涓笑作童
真如臣者想亦媒氏所平章相公所調變者歟今乃故
鄉冰泮下達書來或盼遊子以倚闥或布几筵而筮日
鄰夸衣錦晝可還鄉兒饜君羹歸當貽母承筐無實已
歸妹之愆期有女懷春非吉士其誰誘而况單鳧寡鵠
豈宜濫列鵷行介特孤丁未敢纂修吉禮伏求 皇上
賜臣歸田之假成臣合昏之榮雙鳳闕前許借飛龍之
廐三神山下降回弱水之船取清俸以陪門五兩不過
率陰臣而拜闕九十其儀將見燭撤金蓮光來天上袍
披蜀襪香到人間史筆催妝銀管耀青廬之色天錢撒
帳女牀聽鸞鳥之鳴當天下有道之時我黻子佩趁父
小倉山房

卷一

二

母俱存之日男唯女俞明年春水生時屈指微臣來日
步八磚而卽至不敢迷花歌咏日以趨朝同聽警枕

爲尹太保賀伊里盪平表

臣聞王者大一統之義春秋復九世之仇古之聖人握
金鏡秉神機固將亭毒八荒盧牟六合也然神禹導河
不過積石秦皇立界止于臨洮軒轅轡野之師高辛觸
山之務成湯三腹之伐周王鮪水之誓雖智竭囊底而
功止寰中未有我武惟揚窮天之界如今日者欽惟

皇帝陛下。一人有慶。五嶽無塵。海水不波。問摩訶無使
者青雲。千呂知中國。有聖人。固已絕地通天。瞻雲奉律
矣。惟準噶爾夷部僻處西陲。跳梁沙漠。稽兩朝之文化
煩。列聖之天心。楛矢來庭。則許甘松之互市。赤囊報
警。則鳴琅鐸以專征。張弛異宜。德刑兼用。亦以事機有

小倉口房

卷一

三

待夷性難馴。故也。今天誘其衷。神厭其德。達爾札與達
瓦齊等。篡弑相仍。風災迭起。撐犁不識。敢倚天驕。朝定
無人。自然鳥散。車楞吳巴什等。率衆投誠。阿木爾撒納
等。領軍踵至。或吹蠶享使。或務面請兵。或失鉢請除。一
官。或燒當。願當一隊。國中牛馬。盡向南眠。天上旄頭。早
看星落。五單于。爭立是。匈奴降漢之年。九節度出師。正
回紇尊唐之日。我皇上。擴覆載之仁。不置遠方。于度
外。運照臨之智。早悉此虜。於目中。于是牙璋先頒。金玦
獨斷。贊蔡州之伐。惟裴度一人計。烏桓之兵。屈陳湯五
指。從竈上。騷除瀚海。取灰盤。指畫天山。歸漢封君。斂關
者。卽加顯擢。袂衣作衛。鳴鏑者。俾作先驅。西北分兩道。

之兵聲勢動九天之上如太陽之沃霜雪所過皆消譬
久旱之得雲霓歸來恐後蛇矛未拔銀鵠先奔逐窮寇
而狐尾頭低草降書而羊皮紙盡但整六師而返不見
一虜而還萬馬禁聲盡解鞍而蹴鞠諸夷無事將買犢
以耕耘開壅門招壤奠之臣取流沙爲附庸之國惟聖
人之德大斯不怒而威亦王者之功高故有征無戰踐
龍庭之草露偃春風出玉門之關花開內地伏念我
聖祖遠滅延佗河西遺種我

世宗窮搜靺鞨黑水靺州凡祖宗累年未竟之貽謀
皆皇上一旦纂成之鴻業金山擒車鼻本文皇漏網
之魚渭水謁單于慰高祖平城之憾被我純纘戴我金

小倉山房

卷一

四

犀飲朱提者三千人而未乾置驛遞者六百所而更遠
從此受降城下新來冠帶之民都護府中不用防秋之
策禽黎呼毒望氣來庭煎鞏黃抵聞風請吏拔銅柱以
掃地取金人而祭天化此輩爲孝子順孫何嫌荒服呼
中國爲仙宸帝所都恨來遲臣職任兩江神馳九陞想
北闕凱旋之日正南風解愠之時愧臧旻之才遍數三
十六國譯朱普之句敢增千百萬言一曲饒歌聽策勲
于太史兩階千羽願增喜於龍顏

爲莊撫軍賀平伊犁表

臣聞時不可失而知幾惟聖人功有非常而止戈惟王者歸邪星出國有降君騶虞獸來邊無烽警是以漢臣中西域而立幕府唐皇取松外而置縣官猶欲刻玉燕然鐫金青海况單極以外淳維之苗率土來歸無思不服求之邃古實所希聞欽惟

皇帝陛下八紘靜塵十洲澄鏡久已填廬山于赤縣擁狼望于黃圖惟準噶爾部落遠恃流沙荒驕大漠屢稽質子不供包茅我

聖祖萬乘親征掃蠲蝮之絕塞我

世宗五兵暫戢貸鳥鼠之餘魂如後漢之與南夷七擒

小倉山房

卷一

五

七縱比延光之于西域三絕三通未嘗不以丹水之師遠期伯禹崇墉之伐深望姬昌也今達爾扎自嚙焦黎達瓦齊形同尸逐牛羊不壯知突厥之將亡魚鼈無橋識東明之不渡坐金牀以望太歲星拱中華祀羶羶而問大神巫誇漢盛是以車楞烏巴什與阿睦爾撒納等或舞天先至或嗅地旋來當是時也五幡遺孽只用箠笞九塞旋風但需鞭打倘杜崇拒單于之上表則安國必捲帳而自驚班超還疏勒而先歸則黎弇以遠漢而自剴懷皇仁者雖歌槃木議國事者爭棄珠厓 聖上以爲非常之原黎民所懼先幾之務惟斷乃成在貞觀之拒康居雖云量力而建武之辭西域終少雄圖乃射

苑竹以下西羌推棋枰而決大策。韞盾一戟龍麗十重。網設周陸軍歌鐵拔以党項爲前導。故知吐谷之風。沙假北韃爲疑兵。遂抵焉耆之巢穴。周道如砥。漢將皆飛反首。芟舍而奔者。膚行如風。繩行沙度而來者。視道若咫尺。黑山四百三之部落。耀朔方十八萬之旌旗。雪嶺橫天上下。搜而全無虜跡。賢王伏地。左右視而都是陪臣。築三受降城。置五屬國。府使漢家長無北念。信中國果有聖人數。武庫之兵未遺一矢。計鬼方之克。何有三。年檄傳古莽而猶驚。碑崑崙而尚小。凡魚支之鞞。婆駝之樂。鼈封三日。權扶兩頭。朱蒙爲河伯外孫。老胡號大荒樸父。靡不分頌。將士布列郊圻。圖王會于明堂。坐小倉山房。

卷一

六

舌人于門外陳牲告廟慰

列祖在天之靈。晉冊承歡加。

聖母深宮之膳捷。書夜至羣臣悟怯戰之非。恩旨朝頒天下。以從軍爲樂。臣伐吳定策。旣有愧于張華。平蔡刊碑。又有慚於韓愈。願譯歸義之章。隄官隗構。更歌奉聖之樂。獨鳴琴。騾庶申雀躍之忱。聊補饒歌之闕。

爲黃太保賀平大金川表

臣聞天地生成溫肅並行之謂道皇王敷化神武不殺之謂功德至聖則股肱之効力也神化極隆則宇宙之包容者大欽惟

皇帝陛下秉神機而理百度握金鏡以御四方震且國中金輪光湧指南車上鐵轄痕消久已四海鶉居八荒蛾伏乃逆苗莎羅奔良爾吉等夜郎自大邛竹未供懷駒支漏洩之謀走麩翫叢之路以爲湯升阨野巢伯可以不朝禹會塗山防風且將後至皇赫斯怒我武惟揚街亭撤馬謖之軍巴蜀用崇文之將設金方一道從枕席行師聚米殿前早見丸泥之狀借籌闔內預知小倉山房

卷一

七

沃雪之功蓋王者之兵原不得已而後用非常之將亦秉成訓而始行則有經畧臣傅恆穆行忠衿義心清尚雷符星斗光顏自有旌旗千櫓戈矛賀齊別爲文畫磨劍則啞峒飛雪彎弓而太白揚眉金累爲之開山黔羸爲之領路斬皇甫文之頭先除謀主超張須陁之柵多用奇兵百尺井闌射公孫樓上千羣火雉投姚襄陣中周訪之兩甄忽鳴光弼之三麾至地山形拔而不假五丁之力天網密而但求一面之開正月朔六日逆苗面縛詣大軍乞降當是時也雲捲天衡日生倍璫砂能表赤大書北向之旗水尚知歸敢射南飛之鴈在諸將以爲獸將入檻雖搖尾而洩無可寬在聖人以爲鳥已

含。環。既。投。懷。而。情。難。盡。殺。蓋。當。日。之。興。師。也。原。非。貪。其。
土。地。人。民。而。必。置。之。于。死。故。此。日。之。受。降。也。實。不。忍。其。
悔。過。服。罪。而。姑。宥。之。以。生。于。是。廷。光。城。下。馬。燧。披。襟。回。
紇。帳。中。子。儀。免。胄。歔。徒。虜。至。捧。牢。賞。以。趨。蹌。穢。人。兒。啼。
擊。蒙。排。而。泣。下。俛。錢。寶。布。爭。貢。包。茅。渝。舞。巴。歌。長。賡。檠。
木。赤。眉。得。不。死。之。詔。南。人。無。復。反。之。心。火。鼠。窮。郊。畱。將。
軍。畫。像。元。蹄。外。境。傳。露。布。風。聲。羣。獠。聽。飲。至。之。文。吹。蘆。
相。告。野。老。讀。班。師。之。詔。鼓。缶。而。歌。大。凱。來。旋。策。勲。告。廟。
此。皆。我。

祖宗在天靈爽暗靖妖氛我

聖母覆物仁慈挽回和氣故能有征無戰惟斷乃成念

小倉山房

卷一

八

切顯揚式崇 徽號宣仁家法安邊塞于宋朝太姪徽

音贊崑征於周伯輝生寶冊喜溢彤庭臣未列銀刀空
名節度願供金版上佐秋官羌女呵陵曾隸韋臯之籍
夷男始艾愧無仲郢之功遠百辟之班聯心知舞蹈獻
九天之春酒花滿江南

代江南紳士謝 萬壽恩科表

蓋聞聖人御世八荒在壽域之中王者掄才三物重賓興之禮是以姬王受命蒸髦士于岐陽漢帝祈年辟孝廉于郡國莫不丹魚在藻翠鳳含綬然而成周僻在方隅空聞宴鎬泰元增受神冊但說呼嵩未有際 兩聖之昌期靈臧並耀展九乾之文運汨作重書以八千歲爲春秋將五百年得名世如今日者也欽惟

皇帝陛下如日之升慶六旬於今歲

皇太后陛下如天之福開九秩于明年凡橫目盲眚者靡不羣歌佛誕卽巖居穴處者久已如登春臺矣乃

皇上聖德謙冲孝思維則一切有司奏行 恩賚爲而

小倉山房

卷一

九

不有統于所尊禮也 詔庚寅之年開甲乙之榜黃封頒下白首權呼惟大孝以天下養親故慶典悉遵 懿旨惟聖人以人才治國故賢書首列 恩綸潤採菁莪不羨蟠桃之色 廷收杞梓益增壽木之華以多士之絃歌代雲仙之羽奏以文昌之奎壁當貢物之承筐玉載萬隻以非奢珠探九淵而愈耀 枝丹桂飄香于王母筵前戢戢龍魚跋浪于老人星下于是黃髮耆艾之士莫不乘景運以同升方聞綴學之儒亦各有喜色而相告臣等生隸江東忝居文苑或影纓擔爵世受 國恩或解綬懸車引恬鄉里捧 璽書而感泣率門子以觀光祝軒鼎之長生齊呼萬歲喜周官之大比不待三年

所有感怵之忱謹以表謝

小倉山房

卷一

十

小倉山房志

鶯脰湖莊詩集序

夫金石之載不殊而諷咏之情匪一故思綺者春榮響
哀者秋厲音和者鳳唳絲寡者繭悲引氣不齊意製相
詭各家之旨斷可識矣若夫游雲無質五色兼麗崑竹
久淹八風齊協徹循羣雅喉矜六藝搜仇索耦能者誰
歟丙辰歲

天子張天網以羅八紘握金鏡而闢四門予正廩係履
而來都下遇王梅泚讀其詩倜儻然亂費乎錦續影影
然履綦于攬槍研閱以窮照含章而司契楚豔漢侈殆
具體焉爾乃解巾吳會弭筆燕臺仲宣履至公卿爲之
擁篲平子歌成洛下于焉卷舌且復負雞次以西嬉歌

小倉山房

卷一

十一

闡竈而晉適澄神道岸回志元祺生死多羊舌之仁慷
慨重侯嬴之義其所述也如彼其所蘊也若此使之吟
鷺陪軒鳴蟬映鬢隨鼉賈入室共應劉待詔張皇發揮
元元本本胡寧恧焉乃昔者同登明光之殿對食大官
之餐蒙以弱冠之問物色賈生遂因連牆之謁通好列
子亡何黍谷方吹豐城氣掩東陽未晞北溟翼戢臥龍
具以忍寒握蛇珠而匿耀感奇律之不采抱梯黃而莫
卜與鄧康辟者比牒皆爲宰相同高允徵者連名半屬
公侯其能無撫髀而嘆八騶呪柱而看三匝乎雖然珠
之藏也不久不能矚重淵之深劔之割也易用不能致
蛟龍之惜故白露之思蒹葭之隱也俎豆之馨叢蘭之

敗也。今梅泚內學七緯外過八流其藏身也。鮒入而鮓居其治行也。春規而夏矩入則流黃體素陳焉。出則煙阜雲隰覽焉。宜其因情生文。上符三百之旨。緣隙奮筆流爲千載之觀。彼夫車赫馬耀。傳呼甚寵。而寸枝不入鄧林。尺渠不登山經者。何哉。豐嗇之遇殊。而大小之報異爾。或者傷國朝諸老。燦忽代謝竹垞南淹阮亭北逝。不知璧不並耀。駿不雙馳。根斷靈苑。秀擢江波。所謂長麗去而宛虹來。耀靈淪而望舒睇。夫固有繼之者也。而况夫大雅之運。豈偶然哉。

小倉山房

卷一

三

萬柘坡樂于集序

夫神之所至百骸聽焉志之所壹萬物避焉故鯁兪審音不聞暴雷之駭獲人運斲不見疾駒之馳士有握瑾瑜懷芬芷絕地理揆天庭抗才金碧之上弭節江湖之下恢恢元音務諧雅奏之和落落凌颺詎假繁音之會則吾友萬柘坡其人也生而潭粹第作其冠長多尺聞溺苦于學參六家之要旨窮五際之絕業遊目竹素殫心忽微故能含孕嚴徐凌鑠崔蔡懸黎不見池隍耀繼起之寶皇娥歲淹夷光矜伐出之色惟古于茲直其然矣然而憶日月之標忽追縞紵之伊始時則迅秋標爽嚴鼓應節石渠廣鴻生之召郡國有文學之徵僕與柘小倉山房

卷一

三

坡解中之郡削牘受辭魚集龍門摩游鱗而認隊馬來西極銜長鬣以得朋所爲傾蓋于程生締蘭于謝覽也已而扶搖同志修翮互殊或霞舉于嘉禾或翰飛于粵嶺赤堇未鋼齊踊躍于洪爐白鹿可尋仍渺迷于蕉葉東隅已失南金不雙宜乎鮑申跪石而吟伍員兩袂而走矣而柘坡方且得不挺心失不表色結情禹井延首舜梧考元唐隆谷之瑰奇辨封鉅大填之原委忘陽數之標季扶元音于正宗空谷霜零蘭性寧其隕貴崇邱風靜椒林于焉露芳抒懷而貊其音說學而振其采詩若干卷幾幾乎革孫許之風變太元之氣焉且夫瓠梁託絃以流韻痛知音之難也師曠審鐘爲不調嘆逃聲

之易也。柘坡鄙。硯散之。五降美。棣通于八風。旣煉滓以
澄音。亦鶴金而飾貌。考之鳧氏。槩曰。鑿于震。蒲牢之磬。
磬招銅山之遠聞。他日。麟鼓南郊。軒宮北敞。發揮韶濩。
洪宣陰陽。則夫聲震三川。力逾九象者。其在斯人歟。其
在斯人歟。

小倉山房

卷一

送姚次公刺史之景州序

景州領定遠之軍連青齊之甲走幽冀之道當德棣之衝

天子以唐代武功必資姚合漢廷黃霸亦號次公遂降璽書馳龍節命公移篆建康建牙渤海五馬從大夫之後一鶴與先生並行所以簡賢俊重神都也夫元黃自炫者王之奇匠石必顧者木之用故庚桑入楚風移磈礪之鄉張楷居雍俗號公超之市公以何比干之符策揚於陵之家世坐有揖客門無雜賓朔來朔來本門子之恩蔭郎出郎出爲捕盜之督郵三任繭絲一從征伐襄城劉令謂之不煩宏農桓公稱爲長者王修知變魏

小倉山房

卷一

五

武以之自隨虞詡入城朝歌因而解散其吏術也若彼其武功也若此加之居句如矩在約思純比性鴻毛方義熊掌有公綽之廉史魚之直焉乾隆十六年

天子南巡公千夫爲吏七萃從戎凡申明之木壤奠之事攝衽抱機之視侯遮扞衛之儀一切供張罔不胥節遂乃歌傳于葛名記王邱超授非因歲遷除拜悉從中出蓋六緊十雄之報最方牘薦之風馳而三公八座之交推已得州如斗大將以東阿付黔夫之守高唐覬樗子之用豈徒黃金橫帶遽喜遷官白鹿夾輪將期入相而已哉然而使君活汝父老哭于碑前賢者遷官百姓爭于境上房君去而味變井泉之甘虞公歸而雲藏海

石之彩未免持靴雪涕輦粟連年認馬司州占珠合浦
民之情公之德也其能已乎僕同鄉識面共事知心元
武湖邊各持手版小倉峯下先築瓜廬行矣孔璋飄然
賀監白雲飛而故人遠朱琴彈而聽者稀嗟乎空山猿
鶴本無戀于烟雲芳草芝蘭終有情于臭味送花間之
車馬絕海上之蜻蜒謝瀟此中祇宜飲酒茅容以外誰
與交言所期抗手此時班荆他日訊雖雨絕夢或魂交
君望孤雲知安石之不出我瞻紫氣卜老子之仍來

小倉山房

卷一

六

許南臺悼亡詩序

同。為。聽。鼓。應。官。之。客。夜。起。恆。多。旁。有。禁。寒。惜。煖。之。人。衰。
年。忘。老。一。朝。白。髮。忽。斷。朱。絃。女。牀。之。鸞。鳥。不。鳴。牧。犢。之。
朝。飛。有。曲。此。我。同。寅。南。臺。悼。亡。之。所。由。作。也。夫。人。朱。氏。
內。嫺。四。教。外。副。六。珈。乘。几。無。違。施。罍。有。訓。秦。篝。齊。絡。雅。
善。平。章。樂。旨。潘。詞。應。如。影。響。佐。夫。為。善。寫。安。公。美。政。之。
碑。教。子。射。科。上。蘭。英。中。興。之。頌。叔。姬。賢。著。三。諸。侯。爭。來。
媵。之。辭。侯。寵。多。七。孺。子。爛。其。盈。矣。爾。乃。服。帝。休。之。草。無。
避。夕。之。噴。坐。銀。鹿。之。兒。有。緩。帶。之。樂。南。臺。雖。羣。雌。之。粥。
粥。偏。故。劍。之。依。依。神。君。一。言。敬。為。畫。法。白。茅。三。復。奉。若。
金。箴。可。謂。雙。棲。不。死。之。牀。永。臥。同。功。之。繭。者。矣。何。圖。疾。

小倉山房

卷一

七

風。吹。竈。竟。占。主。婦。之。災。青。鳥。傳。書。遽。速。上。元。之。駕。桃。爰。
插。首。齊。俗。先。驚。白。柰。簪。花。吳。孃。其。弔。纏。綿。性。在。繅。三。盆。
手。而。蠶。尚。牽。絲。殫。殫。病。成。與。九。萬。錢。而。醫。難。為。力。兼。之。
客。兒。佛。婢。婚。嫁。未。終。約。指。彌。環。零。星。振。觸。金。箱。宵。掩。成。
君。之。衣。補。何。時。象。笏。朝。回。方。領。之。繡。痕。宛。在。此。在。一。往。
情。深。者。尚。且。聞。而。結。轡。何。况。三。生。泮。合。者。能。無。腸。若。涸。
湯。也。乎。于。是。天。錫。小。名。自。稱。獨。活。子。瑜。庶。孽。不。許。長。生。
枕。拗。木。以。無。聊。服。牽。機。而。難。耐。離。當。仄。日。益。易。高。歌。賦。
哀。蟬。落。葉。之。章。寫。鳳。靡。鸞。吡。之。恨。心。非。孤。雁。照。影。驚。秋。
聲。似。霜。鐘。因。風。奏。曉。是。知。元。穹。倚。杵。不。能。蕩。此。情。波。碧。
海。成。桑。未。必。乾。斯。墨。淚。者。矣。僕。並。轡。白。門。通。家。江。左。德。

操命麗妻作黍不辨主賓文通爲張稷徵歌但遮簾幔
襍佩貽來想見斯人賢淑入宮不見難禁老子婆婆夜
飛蟬在贈杜甫以無因世子書成向外黃而誰寄解愁
有志分痛無方誦金鹿之哀詞贈玉臺之小序公乎自
愛休傷兒女子之情僕也請前聊表君夫人之德

送尹官保熱河陪宴西戎序

乾隆二十年

天子平伊里幸熱河受昆彌之降賜呼韓之宴詔曰
江南總督尹繼厚重有體來與斯會足壯觀瞻公聞命
黃閣束裝青溪桓溫北伐百官祖道于南州潘岳西征
同僚賦詩于金谷禮也枚伏考唐太宗身幸靈州納降
回紇漢武帝親臨瀚海獨當單于其時襄鄂碩佐衛霍
英賢莫不司空奉羹條狼警蹕酌畱犁而共醉歌槃木
以宣威良以倚漢如天有班超而後功定望君若歲見
葉公而乃民和非徒冠冕河山亦且彈壓邊蠻我宮保
夫子黃茵誕雲紫宮執斗神化丹青艸木知其名姓亭

小倉山房

卷一

九

毒元氣外夷問其起居帝愛文獻恨不處之禁中朕召
德林昨日祝其夜短皇上見戎容暨暨思黃髮皤皤
召洛邑之君陳徵南郊之義叔乘三皇斜谷之車張百
神帝臺之樂皇人受穀衢室開尊時則神雀宵鳴歸邪
晝見窮天俘玉罄地呼嵩舌人鳧趨爰閭鶴列凡雋鱗
之翠壽木之華滑國之金床條支之烏鞞木熙拔河之
戲婆駝力華之曲莫不麟羅布列雲動雷屯伊里者西
戎一大部落也兩戒所未收八埏所未囿茲乃騃瞿奔
觸賜耽酣嬉比狼臙之嗅塵同甌兪之飛耳未謁天容
先望星辰之色已瞻日角兼看岳瀆之神見風牧而軒
鼎非遙識臯夔而堯眉可想公繡衣垂跼版宜躬潤

之。以。傳。說。之。甘。霖。溫。之。以。趙。衰。之。冬。日。示。之。以。周。公。之。
狼。跋。耀。之。以。尚。父。之。鷹。揚。驚。狀。貌。于。王。商。真。爲。漢。相。聽。
音。聲。于。景。略。無。愧。唐。臣。洵。足。以。顯。作。長。城。隱。若。敵。國。且。
夫。防。秋。者。無。全。策。綏。遠。者。貴。定。謀。是。以。突。厥。人。衆。魏。徵。
諫。留。河。南。西。域。使。來。班。勇。請。加。都。護。或。治。城。烏。壘。或。置。
郡。朔。方。食。少。則。充。國。屯。田。兵。安。則。孔。明。撤。衛。凡。事。後。之。
金。湯。皆。先。機。之。籌。算。公。三。商。待。漏。常。候。色。于。宸。慈。五。日。
詣。臺。每。參。謀。于。黼。座。正。可。以。定。形。方。之。訓。進。徙。戎。之。策。
安。全。臯。散。慰。蕪。華。離。使。二。庭。永。空。萬。年。無。事。豈。止。羨。調。
御。手。人。慶。龍。光。酒。賜。銀。鍾。史。褒。風。度。而。已。哉。茲。者。野。廬。
聚。棟。元。戎。啓。行。萬。里。秋。霜。凝。照。于。九。花。虬。上。三。邊。勅。勒。
小。倉。山。房

卷一

三

收。聲。于。一。品。集。中。西。寇。折。心。中。國。大。有。人。在。東。山。翹。首。
袞。衣。早。望。公。歸。

小倉山房外集卷二

錢唐袁枚子才

贈樊生序

當短衣。禁製之日。而獨冠夏后之母。追嘗羔毚。幾胎之羹。而忽捧魯人之椀。巖吾知雖負牀之孫。亦欽欽然。口咄而吾縶也。况夫心古雲壘。道高龜玉。千節廉隅。秩秩見于面目。馳驅文囿。駸駸欲度。驂騑如吾聖謨。樊先生者。能無述焉。先生秉植。鰭之雅容。蘊吐鳳之靈質。鉤河摘洛。浴素陶元。凡夫五木之攻。三牙之辨。十祺之筮。九候之醫。旁行敷落之教。重差夕桀之術。靡不巧拇。周流精心。冥造信文學中。茂陵之唐生。九江之祝子也。爾乃小倉山房

年周七旬。身老三舍。損蘭本于匹馬。闕珠光于重淵。登高作賦。不爲大夫。恢奇多聞。尚淹區里。鄭綬爲儒。呻吟裘氏之地。王哀負戴。磬折安邱之衢。拳製錦之織。手啗敏絃之逸曲。乾乾日稷甚矣。吾衰彼夫。士開不知。七星王平。但識十字者。或且跨天下。而無靳策。高足而相凌焉。墨以爲明。簡偶不忤。升沉之數。疇測之哉。今夫借隱爲顯者。齡天之象也。養苑于枯者。富媪之神也。圉馬不乘。方臻彌年之壽。幽蘭當路。難保經時之芳。假使星有少微。世無處士。卦名白賁。占少幽人。齊設九賓。少稷受訂公之召。堯咨四岳。許由呼負。黍之車。呂尚早聘于英。年宣尼大烹于陳。蔡將何以彰聖哲之瑰奇。偉二儀之

麥。闕。乎。先。生。明。其。然。也。自。道。不。辱。之。謂。貴。無。求。之。謂。富。
履。約。冠。鉢。駕。說。人。天。屈。後。茶。前。無。悶。巾。褐。鴻。文。無。範。相。
羊。翰。墨。之。塲。老。漁。少。波。韜。晦。林。霞。之。迹。蠟。屐。訛。而。黑。矣。
板。牀。銳。而。道。然。寧。將。論。語。代。薪。不。向。胡。奴。索。米。空。波。白。
鷺。絕。頂。孤。松。未。足。方。其。高。潔。也。然。而。經。師。名。著。貌。執。人。
欽。采。薇。多。先。輩。之。呼。負。笈。半。從。遊。之。彥。三。千。太。學。爭。奉。
嵇。康。五。百。門。人。都。尊。郭。瑀。雞。籠。山。色。次。宗。之。室。常。青。槐。
市。春。風。伯。起。之。堂。斯。煖。無。勞。影。質。各。授。尺。聞。束。脩。牽。羊。
童。蒙。求。我。譬。之。霜。鐘。水。沒。終。畱。待。扣。之。聲。仙。桂。巖。棲。白。
有。流。香。之。所。于。以。養。夷。白。于。以。變。丹。青。于。以。濟。道。真。于。
以。廣。津。逮。周。冢。宰。以。九。兩。繫。邦。國。其。四。曰。儒。以。道。得。民。

小倉山房

卷二

二

者。先。生。之。謂。也。豈。非。披。七。綬。之。布。華。過。九。流。傳。一。卷。之。
書。榮。勝。千。駟。也。哉。兼。之。百。篇。蒼。雅。張。霸。獨。善。九。變。律。貫。
京。房。尤。精。長。君。手。著。神。淵。仲。翔。口。吞。爻。象。滿。堂。蚪。斗。龍。
威。靈。寶。之。書。半。壁。金。箱。沮。誦。佉。盧。之。字。不。必。飲。終。北。之。
神。漢。著。躋。虛。之。龍。韞。而。早。已。爭。年。黃。帝。之。兄。高。叱。季。心。
爲。弟。矣。月。逢。長。至。瑞。慶。懸。弧。圖。應。三。陽。禮。先。一。飯。艾。歷。
覩。胥。者。徹。循。而。來。黎。穎。樹。頷。者。黎。收。而。拜。先。生。在。貧。如。
客。著。手。成。春。亥。字。親。書。辛。盤。小。侑。樂。可。知。也。僕。當。宰。單。
之。年。早。知。甯。越。每。過。賃。春。之。市。定。訪。公。沙。呼。范。雲。讀。秦。
望。之。碑。求。孔。晁。釋。安。釐。之。簡。道。尊。先。進。心。契。後。凋。爲。張。
儀。祝。千。秋。學。趙。孟。作。一。獻。沃。君。僕。爵。將。取。陵。陽。太。極。之。

泉寫我徽言亦須黃玉綠純之冊

小倉山房

卷二

三



尤貢甫出塞詩序

夫審八音者以金聲冠石序百家者以箝拍續騷隋文
品清商爲華夏正聲漢武置饒歌爲軍國雅樂塞上之
吟由來尚矣然而不過陰山難歌勅勒未通西域誰解
婆駝古之人未嘗奏夔吼于房中寫邊聲于里耳是以
賢者好遊詩多束髮從軍之句男兒作健吟到中華以
外之天尤生江左名士真州少年心事拏雲文章射策
獻五角六張之賦貧類朝霞答三桓七穆之文博同平
一賜上方之文綺遂待召于金門康邸河間慕才竟陵
好學樂賢堂上孝綽圖形忘憂館中鄒陽首坐屏風未
賦罰升酒以何辭公讌詩成泛浮瓜而自喜巾箱九案
小倉山房

卷二

四

惟陸澄之能搜錦被十重祇劉峻之獨數甲戌歲

天子親謁

三陵望祭長白大蒐于塞外禮也王率八能之士扈七
萃之軍贊明堂大禘之儀領異域朝天之隊生乃寬饒
短服稱妮從行子春單衣嬋媿並往奉辰牡坐寅車望
木葉山經黃龍府斯時也平沙萬幕明月起而當天甲
帳千燈旅鴈驚而墮地日名筮却星辰當晝而忽明馬
被霜封絳鬣侵宵而不見生以鞍爲几磨盾作書前袍
鴨綠之波滌研珠山之雪彈來朱鷺便唱新聲擊罷黃
麈已成樂府鵬看作字飛來大翻之山馬助長吟噴出
流沙之玉揮毫素而羊皮紙盡飛咳唾而真珠帳空豈

徒。識。鼯。鼠。于。終。軍。記。隨。兕。于。申。子。也。哉。雖。然。豪。宕。者。境
也。倣。詭。者。才。也。才。之。不。存。境。將。焉。附。倘。絃。么。微。弱。強。歌
大。角。三。章。壺。哨。鼓。儂。自。詡。橫。吹。一。曲。構。雲。屋。而。材。撓。舉
周。鼎。而。牘。絕。與。題。不。稱。蒙。竊。惑。焉。生。竟。筆。張。牛。弩。手。挾
龍。文。行。間。作。金。鐵。之。鳴。言。外。肅。風。雲。之。氣。聽。其。音。可。以
躍。裴。賓。于。水。上。充。其。量。可。以。降。白。雪。于。空。天。真。不。愧。海
上。之。崔。駟。軍。中。之。孫。楚。矣。今。者。明。駝。千。里。送。子。還。鄉。秋
駕。三。年。遂。君。初。服。攜。金。鞭。而。示。容。尚。帶。霜。痕。擊。銅。斗。以
高。歌。恍。疑。羽。奏。北。平。射。虎。之。將。半。是。故。人。野。廬。行。炙。之
觴。未。乾。殘。溼。遂。乃。回。頭。沙。漠。撼。笛。江。村。集。出。塞。之。篇。付
開。雕。之。手。歌。諸。清。夜。長。城。之。金。柝。如。聞。譜。入。琵琶。絕。域
之。關。山。在。望。

卷二

五

紅豆村人詩序

夫思王不序典論之書何點不和小山之作家庭標舉
達者嗤焉然而同峯聽雨分樹看花雖翕雅之才難實
吾斯之能信吐珠于澤誰能不含似蘭斯馨願詳所湛
豈有自矜月旦擯文休而勿夸孤對池塘置阿連而不
夢者乎則有張家鸞鸞穆氏醍醐號紅豆之村人爲吾
家之臨汝采繩圍宅早有奇徵騎鹿入胎羣驚英物視
愛同采蜂之事遊善如原菽之甘睡地而文成三篇擊
鉢則燭畱一寸風神元定愛齊梁之音藻思芊綿追漢
魏之始詩之作也僕有感焉當夫大阮西征永辭家弄
遺奴落地便伴娉徒奇薩保以錦袍音塵如夢泣邛南
小倉山房

卷二

六

之竹杖相見何年弟匪徒秋士悲秋兼且越人安越矣
亡何僕以微士之車折灘江之桂鳳風蠟下裁抱僧虔
熨斗襦中更奇康伯叔也潛需于側兒乃見溷而行從
此荆樹重分河梁再別雙旌萬里一面十年覽揆晚而
郎罷先摧免乳遲而摩敦亦老孤兒有曲野銚無烟龍
具爲衣馬人作伴瘴雲似墨誰送賈季之妻孥葛帳披
霜空抱王孫之飢渴雖狐有首邱之想水尚知歸而鼓
勤哈脈脈阿干之唱僕乃百縑遠寄雙槩星馳如逆椒
鳴班荆楚地自同聲伯爲食鄭郊起渴葬之榻柎喪迎
穆伯走敬闢之玉節私召陽生弟于是闔闈呼車昌披

稅。駕。身。猶。楚。服。口。尚。俛。音。見。故。里。之。粉。榆。恍。疑。前。世。拜。
祖。宗。之。邱。墓。哀。感。旁。人。觀。者。疑。返。漢。之。文。姬。識。者。嘆。承。
祧。之。趙。武。當。是。時。也。春。秋。書。季。子。來。歸。晉。史。記。陶。潛。隱。
去。靈。寶。之。成。人。尚。早。監。河。之。分。潤。無。多。款。段。籠。東。少。游。
哀。汝。文。戰。再。北。鄧。禹。笑。人。一。枝。筆。乾。舉。家。鶴。望。弟。于。是。
重。驅。策。擘。再。撲。韜。沂。王。粲。遠。遊。騎。馬。登。樓。之。恨。元。瑜。書。
記。殘。羹。冷。炙。之。場。嘗。世。味。之。願。領。聽。河。流。之。鬱。勃。記。往。
事。于。龍。華。小。劫。求。知。音。於。碧。海。青。琴。身。賤。恩。多。天。寒。袖。
短。堂。簞。不。御。書。燭。難。明。歌。纂。纂。以。星。沉。唱。鳴。鳴。而。雨。泣。
人。之。情。也。其。能。已。乎。加。以。天。性。風。華。餘。波。綺。麗。何。郎。粉。
不。離。手。荀。令。香。能。染。衣。長。言。則。河。女。三。章。開。卷。則。王。昌。

小倉山房

卷二

七

十。五。丹。心。寸。意。驅。烟。墨。以。如。飛。流。管。青。絲。繞。虹。梁。而。不。
落。量。沙。易。竭。下。筆。難。休。金。鹿。詞。哀。玉。臺。體。豔。人。恐。繁。華。
流。蕩。君。子。之。所。勿。欽。我。知。比。興。溫。柔。宣。尼。之。所。必。采。嗟。
乎。人。不。足。而。盱。有。餘。才。非。患。少。春。采。華。而。秋。落。實。學。與。
年。增。許。武。未。成。弟。之。名。景。讓。宜。受。母。之。撻。所。望。焯。掌。自。
厲。指。心。得。師。加。弓。之。九。和。俟。禾。之。三。變。形。魚。昌。僕。窮。典。
誥。之。恢。奇。夷。鼓。青。陽。表。榮。華。之。族。姓。文。章。不。妨。放。逸。人。
品。故。宜。謹。嚴。使。薦。者。謂。敏。中。酷。類。其。兄。後。世。笑。僧。彌。難。
爲。其。弟。殿。中。交。代。有。君。已。是。替。人。海。內。文。章。無。我。當。歸。
阿。士。

周石帆西使集序

四。序。秋。佳。白。帝。肅。江。山。之。色。八。音。金。貴。霜。鐘。冠。匏。竹。之。
聲。考。祀。典。以。嶽。瀆。為。尊。稽。國。風。則。皇。華。先。采。是。以。魏。帝。
清。商。置。令。蕭。家。白。藏。名。通。仲。長。灞。岸。之。篇。越。石。扶。風。之。
作。莫。不。抗。絕。節。于。高。唱。穆。清。風。于。妙。音。使。者。陳。詩。大。夫。
臚。岱。由。來。久。矣。然。而。龍。山。高。會。誦。元。子。之。聲。雖。鄴。下。清。
流。恨。仲。宣。之。體。弱。矧。復。潯。陽。九。派。華。嶽。三。峰。氣。讓。風。雲。
何。以。低。昂。崔。蔡。手。非。天。馬。不。能。控。駕。齊。梁。苟。無。君。子。之。
九。能。難。往。金。方。之。一。道。石。帆。先。生。文。貞。學。士。儒。林。丈。人。
五。入。東。觀。三。為。祭。酒。曳。履。步。星。辰。之。上。乘。舟。過。日。月。之。
旁。乾。隆。十。七。年。春。

小倉山房

卷二

八

天。子。命。公。祭。秦。蜀。兩。省。名。山。大。川。禮。也。公。坐。筇。將。衣。袴。
褶。借。飛。龍。鹿。馬。權。攝。行。人。出。丹。鳳。樓。門。便。稱。天。使。船。非。
樟。木。豈。畏。蛟。龍。身。本。雲。仙。何。愁。風。雨。烏。櫓。盤。羊。之。所。黃。
金。子。午。之。天。董。仲。綬。不。愧。儒。臬。謝。康。樂。能。為。山。賊。牙。璋。
手。握。鐵。馬。宵。鳴。訪。尺。五。之。雲。門。飄。丈。二。之。圭。組。潼。關。四。
扇。射。曉。日。以。初。開。鳥。棧。千。盤。度。青天。而。直。上。蒼。蒼。在。鬢。
鬪。古。雪。于。峨眉。脈。脈。有。情。聽。淋。鈴。于。劍。閣。于。是。移。綿。州。
之。席。則。嚴。武。留。賓。吹。鳳。嶺。之。笙。則。王。喬。倒。舄。亭。公。負。弩。
驛。吏。占。星。爭。迎。諭。蜀。之。相。如。共。拜。入。關。之。李。叟。公。乃。酌。
元。流。于。春。澗。瘞。封。豕。于。秋。林。築。鬻。焚。而。烟。墨。香。度。縣。祭。
而。山。川。助。一。臬。破。鏡。八。頌。占。風。九。河。出。沒。于。毫。端。五。嶺。

盤旋于腕下境無虛接必纂入于文樞景不空描盡雕
搜于意匠摩挲銅狄感歲月之滄桑緬睇巫山寫荒唐
之雲雨鐫姓名于崖上恍如委宛千言攜西海于袖中
不。僅。韓。陵。片。石。復。命。天子慶大禮之成付詩史官賡
小雅之作編西使集八卷孔子稱誦詩三百使于四方
先生有焉僕也三月過秦曾爲賈誼一麾入蜀未作唐
蒙恨狹路之不逢羨我鞭之先著同聽鈞天之樂而師
曠獨按其笙簫共遊福地之春而張華能誌其風物豈
無玉笛讓清角之聲悲亦有珠林遜夜光之照遠夔關
咏古愈欽杜甫之豪灞上還軍終愧桓溫之劣少行千
里譬如自偃旌旗朗讀百篇悔不早焚筆硯

小倉山房

卷二

九

繡餘吟序

繡餘吟者女弟雲扶所作也。占歸妹之爻。生逢第四學。玉臺之體。才竟無雙。早喪靈椿。裁髮媿而學語來。依棠棣。遂婉俾以南征。弭節桂林之巔。揚舫洞庭之渚。萬重山翠。寫入雙蛾。九曲明珠。穿成一笑。珮璫而浣。笞子貢之三。挑敷衽而陳笑。丁娘之十。索機絕絲。絕針可稱。神俳歌。緩歌詩。將入聖。繡餘之吟。有自來矣。爾乃珠簾落葉。鏡檻啼鶯。銀蒜風涼。冰荷燈小。或懷兄楚。成或送姊夔。關思若流。波舍烟墨。其何託心。如結轡假宮商。以代宣探。蠹簡而粉落雲。牋寫蠶眠。而痕畱釵股。結響則女牀。鸞咽揚華。而織室星飛。使戴尺五皂紗。定呼飛將。倘小倉山房

卷二

十

設十重步障。足解長圍。可謂掃眉之才。人不櫛之進士。也已更喜畱車無恙。反馬初來。姬媿耦新。藁砧憐重三。商却扇磨寶鏡。以試秦嘉五日采。藍咏盤中。而寄伯玉紀事。則姑恩有曲。發言則女史成箴。東廂夫婿。旣媿媿以成行。魯國叔姬。每雙雙而俱至。豈非緣隨性善。福與慧兼者。與所望集洗麗情。經通音義。澤髮懷順。傅粉道和珠多。而首飾有光。學積而心聲作。采此時香閣。助博議成書。他日蘭臺爲阿兄續史。將見吾家詩事六宮。傳大捨之名。海內女宗十哲。配宣文之享。

送梅循齋總憲歸宛陵序

昔龍負禹圖鳳鳴舜樂終亦潛九淵翔八表冥神霧以
遊攬德輝而去何哉身不隱者道不全用不藏者仁不
顯也是以祁奚請老子房學仙疏氏供帳于東都廣德
懸車於沛郡莫不謝情軒冕畢志烟蘿偃爵深衣陶元
浴素若乃三休亭古萬石風高門無雜賓家有令子決
獄二百朝廷就之問春秋封事一函天下以爲真御史
則我總憲梅循齋先生是也先生味道之華腴執古之
醇聽張蒼治歷算操夕桀之工平子知天手握銅輪之
轉傳學家銜揆才天庭奪東方學士之袍騎西第將軍
之馬王沉見召馳鋒車者五人渠牟對君數漏黠者六

小倉山房

卷二

七

刻試之三輔則桴鼓靜黃圖耀其九能則郊天供金版
戴胄平刑不愧爽鳩之職勝之按吏更馳東海之輶

天子以爲有伯夷史魚之風使領五墨三仍之首聖無
二道毀靜輪而米賊教衰臣只一心侍彤廷而神羊氣
勇○卿○于○白○起○尚○惜○官○乎○朕○於○孔○哉○知○其○賢○矣○公○亦○沾○沾
自喜翬翬竭思心爲肺石之函手如屈軼之艸周昌負
氣直歷蕭曹老瑀性剛慣凌房杜方將軒轅帝載麴蘖
王風而歐陽名重後生之描畫已多元忠肉甘獵者之
網羅無得天子敬禮大臣護持耆舊允遂初志特予
原官神武門前許挂仙人之冠服香山社日教添元老
之鬚眉然猶深惜蒲輪眷留鳩杖表爲人望賜毛玠以

屏風遣問星文伺承天之顏色殷鐵卧疾密勅往來賀
監乞湖宸章餞送行有本末恩極初終鳳闕排筵都望
潞公再起江湖野服誰知裴令三朝先生愛鍾阜之山
樂秦淮之水跨沈慶之小駟乘王尼之露車雲母自怡
金貂高度一颺一肅謝莊以風月名兒半郭半郊庾詵
以山池作宅黃花香淡知諫草之都焚綠墅客稀惟怪
松之滿坐今復辭白下返宣州式里閭展兆域木葉未
脫秋水已波散盡賜金故里之枌榆拱矣摩挲老物兒
時之釣弋依然傾耳幔亭人間曲好回頭營室上界官
多雖韋孟乍歸尚夢面爭王室而次宗旣隱定知車避
城門枚得接繡衣初冠緇布識郎君子東閣通書七年

小倉山房

卷二

七

忝比隣於南邦班荆朝夕送格天之勳舊作平地之神
仙畫錦堂開慙無健筆宵征人去聊助清風

李紅亭詩序

夫才者情之發才盛則情深風者韻之傳風高則韻遠故徘徊芬芳屈子爲之祖葩華蒨布建安暢其流苟非彥雅之才難語希聲之妙則有紅亭主人者雁門著姓爲宇文大呼藥之官柱下精苗居建武小長安之地見時觀卜便已別著長歲橫經更能奪席醉六十日賦五千言久已集號烟花文成玉海矣爾乃賣田十雙入竹萬个千夫爲吏一命來南慕白學先生作黃車使者以衛風之狄濫學吳語之妖浮宰我過朝歌聆音欲駐子思搖銀珮奇服自夸于焉忍俊不禁棄位而姣徐吾有妹子南超乘而來阿君無夫陳遵奪門而入投幘以還

小倉山房

卷二

七

太守銜杯而勸三騶幾幾乎迷漁父于花叢埋蕭綱于酒庫焉然而人呼公子天性都豪地住中州宮商最正唱洛陽之小海自記家鄉偷大內之霓裳繩其祖武每至青溪晚雨琴河曉霜怯夜幡高司晨鳥語未嘗不憑欄而飛筆擘錦以橫箋也更有奇女目成癡人相惜記泉臺之夢帷幕來奔築黨氏之臺盟公割臂神君旣憐去病小吏肯讓蘭芝衷甸揚徽竟招搖而過市法冠先引常稱姪以同車綺陌花飛迎來吉耦風窗月墮吟出雙聲紙醉金迷三百六日之光陰如夢笙簧煖二十五郎之歌管相隨無王事之獨賢且人生之行樂宜乎一州斗大作司馬以無期三十鬣然抱羅敷而自足也

尤可異者與余無撫塵之交而蒙君有良知之賞陸機
師事只有張華唐衢服膺除非白傅延之設問希鮑昭
于片詞何遜著書強休文之再讀微言識五雅奏登三
感此心知奉貽藥石今夫遠而有光者美人之飾進而
彌上者學士之才君子不重則不威修詞不誠則不立
微之悔過多嫌小碎篇章孝綽陳書深戒繁華流蕩所
以行者文之本也廉者德之輿也晦昧者以無檢爲宏
曠佞兌者以有岐爲膠牙春秋譏毛伯求金左氏貶蔡
侯失位解父狄淫以遭赧安丘博揜而奪侯凡彼虞箴
皆堪殷鑒而况狂泉難飲當此日之時艱古瑟空操問
小倉山房

卷二

十四

知音之誰在乎嗟乎性自少成須至通而自然有節人
誰無過矚于媿而能悟何妨僕願紅亭抱德煬和去風
卽雅梗其有理祓飾厥躬守士之特招執古之醇聽以
人意相存偶使物情無疵瑕將見三盈三虛無礙孔門
之客再仕再化寧知伯玉之非窺日牖中不愧北人學
問繡絲海內豈徒庶子春華

岳水軒詩序

夫。高。軒。多。簿。領。之。勞。處。士。少。江。山。之。助。天。下。之。文。章。其。惟。幕。府。乎。是。以。鄒。枚。游。客。珥。筆。梁。園。應。劉。才。人。從。軍。鄴。下。靡。不。序。行。役。紀。星。雲。奮。藻。含。章。揚。華。振。采。然。兩。戒。者。天。之。奧。府。也。百。年。者。壽。之。大。齊。也。身。拘。魁。父。之。邱。何。以。盧。牟。六。合。目。窘。蹄。涔。之。水。亦。難。揮。綽。三。雍。要。惟。口。數。青。曾。尻。窮。元。圃。者。方。能。三。駕。以。控。齊。梁。七。縱。而。擒。風。月。哉。水。軒。先。生。金。佺。後。裔。鐵。券。家。風。遠。跡。崇。情。深。中。篤。行。幼。不。好。弄。三。步。知。方。長。更。橫。經。九。變。復。貫。凡。師。春。筮。書。奇。胲。陣。法。九。據。元。理。六。崧。陰。陽。金。布。令。甲。之。文。夕。桀。重。差。之。算。鑄。凝。化。聲。之。術。含。光。宵。練。之。鋒。俱。能。游。戲。人。間。環。小。倉。山。房。

卷二

五

流。手。上。於。是。西。雍。戾。止。東。閣。欽。遲。招。隱。者。羔。雁。成。羣。問。政。者。干。旌。四。至。關。吏。爭。迎。上。客。諸。侯。齊。拜。下。風。先。生。濡。迹。匡。時。測。交。擇。主。爲。常。何。作。奏。帝。問。寶。王。爲。寄。奴。草。函。人。推。齡。石。陰。德。及。物。自。覺。耳。鳴。清。談。干。雲。聽。猶。齒。擊。適。楚。國。則。書。載。一。乘。見。哀。公。而。文。成。七。篇。此。固。經。世。韜。鈴。別。爲。一。集。者。也。若。夫。分。箋。擊。鉢。對。酒。當。歌。悠。揚。四。始。之。風。祖。述。三。唐。之。法。則。先。生。之。詩。有。非。凡。所。及。者。何。也。夫。孔。子。西。行。不。入。秦。地。樂。毅。東。伐。未。下。齊。城。卞。彬。以。青。溪。爲。鴻。溝。陶。侃。棄。邾。城。爲。遠。戍。陳。京。賦。北。都。不。就。宏。景。志。沙。苑。未。詳。四。海。大。矣。九。州。遙。矣。方。聞。之。士。遠。到。爲。難。先。生。乃。孟。入。西。州。檀。來。洛。下。五。攀。漢。柳。兩。馱。越。裝。別。魯。叟。

而遇齊兒厭燕南而來趙北望海則浮天無岸窮河則
括地成圖過劔閣嘆劉禪爲庸才登廣武笑沛公爲豎
子甚至呼延外地甌脫窮邊中周虎落之烽繞雷羊頭
之險凡裴秀所編圖賈耽所繪布靡不馳驅烟墨號召
宦商宜其壯采精思加人一等也然而一身道長八口
星孤彗策筭將牛日常埋雨雪鬢飄蓬葆馬頭何處家
鄉海上嫩禹蠻府參軍之恨表中春菟江東作奏之愁
賓館久而醴酒清油幕舊而蓮花落殘羹冷炙曉角清
笳孤憤獨居深懷誰告而况髮容難待烏兔先馳一林
之松菊將荒半世之鍾期已盡貧憐微在繡襪存無晚
抱舒祺楹書讀否雙輪欲住則藁飮誰供百歲幾何而

小倉山房

卷二

六

勞薪未息此又金壺傾汁未足寫此蕭騷紫水漚縑難
以形其豪宕者矣更可異者當承恒齋宮保之領王師
而西也以先生智同崔浩廉比道生奏與一銜俾隨九
伐

天子憐其老故未許也亡何遮住玉關廣利竟非生入
牽連草索馬援不是榮歸幾乎玉石俱焚池魚共禍而
卒之塞翁馬失合浦珠還慟哭劉虞尚有將軍殘客飄
零樓護還作城南禿翁此非夫之所以報施善人乃卽
天之所以護持詩史也今年先生六十有八矣落日已
過回風可悲有情於身後之名加意于曩時之作持交
小子嚴切編摩欲表孤花先芟枝葉將彈白雪細按徽

陳古漁詩概序

夫秦刀之伎神而桑林之舞合步瑟之絃妙而瓠梁之韻流荀循聲以觀于樂足以辨風矣隱色以考于古足以弇雅矣若夫冰瀆無界妃豨亂呼禪以凋鏤而昧硯散肆竿之分赫其夸毗而忘重敏經迭之辨必致精疎殊會通閎乖方綴學之士豈其然歟陳子古漁名毅字直方江寧人也白望蜚聲青箱積學執禮器隨孔子以西行捧香爐駐神人于白下負雞次之典浮螺女之江徽奇相之神責穆王之璧將蒲作筆摛錦成篇如鼓琴然期鳴廉修營而不侈號鍾濫脇如協律然務奮末廣賁而不矜駕辨勞商子是烟墨受召金絲引和其格閭

小倉山房

卷二

六

易以戍削其聲清揚而遠聞高僧乞劉認爲師元子望嘉賓入幕則有轉運盧雅雨先生飛耳審音傾衿作禮以爲出石所以旌處士谷風所以應駟牙乃子揚旌菱菱束帛其時燕城稱富媪之地禹茨爲裊載之鄉三百六日駢牢而帶鬻者如麻七十二鑽烟視而媚行者成市陳子偏笑同一映蚩彼三招不唱檀來小人有母恥居盧後君子固窮慶復西遊但作北都之賦元平入幕大失宣武之歡白眼睨之黃鵠舉矣誰知楚幕未營趙旗已拔雲堂說法終非天竺之宮商齋鵠畱賓反拒儒童之菩薩人相媒但路入迷陽卞賦枯魚趙吟窮鳥爾乃淮陰水闊韓王畱乞食之臺臯橋月明梁鴻失傭

書之所辛壬婦至夷癸山空公房身老于壻鄉太真裾
牽于子舍不逢狗監姑作牛醫從羌博士以無聊爲里
祭酒而自得然而軒光寵好難治枵腹之病上池水清
莫解高吟之渴元父信九州之窮地樊衢鳴一鳥而誰
聽則又有制府尹望山相公採奇律于歸昌糴中黃於
耳目焚山求阮瑀圖影召姜肱人以爲東閣一開溟池
再奮矣不料當其未面也紅紗籠壁錢王誦羅隱之詩
及其入謁也如意帖箋李相掩香山之卷蓋見其骨鼻
污膺之狀貌昌披了鳥之冠巾屨載清寒宰相似難造
命朝霞貧薄山人祇可耕烟遂致吐握未終而吹噓已
畢車茵欲汚而行馬先施兩暴龍門空驚蕉鹿若陳子
小倉山房

卷二

九

者寧怪其感同抱玉痛甚絕絃不銜歡伯之觴但哭憤
王之廟乎嗟乎身無五技將駕羊種米于何方命有三
科具梁卯梯黃而誰卜通天臺迴難與投箋廣桑山遙
從何問孔且人驚上公之殘客誰敢測交而君抱高世
之英聲更難詭遇詩窮至此僕請狂言今夫驍壺伴侶
乃陽五之淫詞得寶胡騰亦開元之俳調何以一聲河
滿歌遍六宮十首秦吟名傳四裔碑書修福錫持正以
千縑霞賦丹城賞桓公之二婢潭峻寺人也而呈元稹
之詩常何武將也而上賓王之奏任氏則因詩免役子
仙則得句停刀他若金粉名倡綠林豪客新羅黑水行
賈雞林默啜問張廌之姓名吐谷供子昇之文集莫不

目○澄○虛○鑿○鼻○嗅○狼○荒○賞○才○子○爲○良○知○極○欽○遲○于○副○墨○將○
今○擬○古○如○夏○思○春○汝○自○生○遲○公○非○可○惱○所○望○敬○勗○光○采○
愛○護○波○濤○秋○駕○學○成○冬○心○永○抱○九○天○風○雪○後○來○之○清○角○
音○悲○萬○里○桐○花○將○老○之○鳳○凰○聲○脆○雛○掩○不○得○更○順○其○風○
劍○氣○已○青○重○加○之○鍛○將○見○雅○可○安○身○苦○能○養○氣○姬○娃○珍○
髭○寧○索○賴○于○蠻○方○姹○女○清○吟○或○召○歌○於○上○帝○蒼○天○與○直○
登○方○于○身○後○之○科○文○章○有○神○設○柳○晉○生○前○之○位○此○日○滕○
王○之○序○庾○信○下○筆○欣○然○他○時○馬○融○之○語○康○成○吾○道○南○矣○

小倉山房

卷二

王郎曲序爲溫皆山吏部作

王郎者茂苑靈狸揚州舊鶴小袖禿襟之漢制闡龜華羽之南音流激楚于陽阿聲希下里散天花于小海人滿浮橋則有皆山吏部太真姓溫樊川第五愛吹玉尺小謫人間命入金星能知音樂王褒乞洞簫之謚高琳是浮磬之精一顧城傾三生石老琅琊刻其佩印吮青錫以佳名數闕新歌換中書而莫惜一條牙笏立簾外以晏如畱仙則雪夜掃門顧曲則金貂換酒前裙解帶代繫箜篌轉字催腔親持春牘惟時琴堂小謝北郭蒙莊假相風之竿測愛河之水陽爲薄怒瑤光作髻之謠詐入飛章沙叱劫姬之說于是奚恤阿阿以謝張步負

小倉山房

卷二

三

負而悲宋公閉門泣而目腫巫臣聞信竊而思逃情之所鍾僕有感矣夫用比疎者刷以膠青飾圭璋者加之判白以茲妙伎得遇清卿釵挂臣衣花驚郎目豈非珠澄濁水鳳集阿房之盛事也哉然而十年協律不爲龔俗所知三峽流泉翻以回過見賞屠門琴在非秦倡莫解其音荀艸花香惟夏姬能畱其色縱有彊環照骨水尺調鐘者亦復未採遺珠失之交臂一自神劍識于風胡人才升于吏部然後蘆中得月幫下生雲來則黍谷春回去則歌塲燭暗衛多壯髮鬚眉且假先生齊有盲人耳順亦呼娘子由來知已強半前緣是以平津忤旨過六十而寵榮范滂盛名失九重之目色孫騰棄妓專

寵齊宮翁須曳縑稱尊漢殿或化催倚檻而良士目之
或哀駘弄姿而羣衆歸之或以舞轉西曹或因歌封王
爵風花舛午才命升沉借此三思達觀一切嗟乎厭都
梁而燒皂焚別有聞根嗜螺麤而簡太牢得毋口過目
亡虛鑿認符拔作祥麟耳失兜元誤歸昌爲謚隘豈非
是者常是是有時而不行非者常非非有時而必用也
乎然而國君好艾難尋息土之人賢者過情甘受妖夫
之曳幸臣半擇上應星辰胡妲戲倡名傳文學甚至何
晏愛婦人之服妹喜戴男子之冠任谷丈夫也而以脂
夜有身景公諸侯也而許羽人抱背張彤武因師愛貌
得列儒林辛德源與友通衾卒成名宦誰爲雄伯同上
小倉山房

卷二

三

雌亭此又戲引。卮言堪爲乾笑者矣。今者右軍爲樂非
兒輩所知宮體編成須徐陵作序主人六首和客百章
刻劃烏絲淋漓斑管裝成貝冊儼同梵夾之書各唱回
波寫入深情之帖

小倉山房外集卷三

錢唐袁枚子才

尹公七旬生辰授文華殿大學士序

夫三公爲保傅之官。非高年則不能。副望七十。是從心之日。許坐論而愈覺雍容。是以尚父受璜。皤皤黃髮。叔孫突禿秩秩。大猷龍鬣。九鼎之系。試鈞石之能勝也。瓦斜太廟之風。苦陰陽之未變也。其才難燧人。刻矩以奚覓。其任稱羲和。浴日而彌光。乃若朝扶玉杖。爲

君王賜燕而來。帝取金甌作臣子稱觴之用。則我望

山相公古罕聞焉。公旄車望族。桴鼓聲名。觀書石渠。生花旌節。南滇西陝。化洽行春。東部西曹。風澄坐嘯。陶士

小倉山房

卷三

一

行入州兼督偏江左之功。深唐休璟萬里在胸。允河湟之路。熟雖出入三省。綸扉久許。其參知奈遲却。十年蒼生欲問。而不敢今年公七旬生辰奉。詔先期赴闕。時則青旂引道。翠柳扶輪。一路香焚。齋獻紫霞。介壽九重。天笑早開。黃閣迎公。丹禁宣麻。堂封受饌。進張蒼爲計。相兼可引年。取劉瑑之歷書。不須擇日。詔補文華殿大學士百官賀于道。黎幹減馱。騶四夷聞其名。契丹拱手。公到先人批勅處。記少年珥筆時。得有延年避位之思。劉向重來之感乎。四月八日。天子賜壽筵于第。王公以下奉。勅躋堂是日也。朱轂塵宵華。觴錦晝當晏。溫之昔敘。頒少內之裊。蹠聽遷哲之鳴笳。張祭遵之御

蓋撒來仙樂。簫韶傳閬苑之音。捧出蟠桃。帝子拭金莖之露。三貂故吏。數亥字添籌八座。門生赴午橋。沃爵雖蓬萊仙雜難從散錄。徵名而高密兒多正。可分班應客。在昔王導之鼓吹十部。李穆之象笏百人。史冊所夸方斯蔑矣。且夫祝公之相者。公論也。望公之來者。私情也。倘溫嶠內召。罷領丹陽。寇恂還朝。遠辭河內。公歸太促。民借難禁。天子知之。命仍督兩江南。巡後入閣。俾作霖雨。將洒道以迓。鑾輿如彼。重星且含光。而照吳越。念長途之溽暑。衣賜吹綸。將比德于瓊瑤。筐頌瑞玉。都梁十合賞黃花。晚節之香如意。一枝表魚水同心之樂。枚空山耳冷。傳盛事者如麻。得信心開。觀中台之晚耀。

小倉山房

卷三

二

自憐小謫。非瑤池與燕之人。且喜升堂。是絲竹傳經之客。猶記祝公大董。遠控小舟。觴我黃樓。同吟紅藥。貞期可卜。驚逝者之如斯。靈貺自甄。信後來之居上所願。璣鏡百職。陳揆五行。生物協后土之功。稽古應同天之號。飲九乾之湛露。勝服丹砂。覆萬國以卿雲。都無天札。將見黃銀帶重。靈壽杖高。跨汪氏之龍魚。薄陵陽之丹浦。羅侯城下百歲尚擁干旄。楊氏門中四裔俱爲太尉。

孫小玫簪花圖序

姑蘇采蓮女子有孫小玫焉。牽舟作屋家傳榜世之歌。以水爲家。偷照龍宮之鏡。黃玉志鼻。金訶貼胸。瓊環明指骨之清瓊。葉補眉痕之缺。凡細君琴學茂猗。楷書盧媚娘之經繡。法華張靜婉之箏。彈銀甲靡不手操。成竹思若流波。于是名聲大噪於人色。態出乎其類。夷光過則金錢滿市。蓮香出而蜂蝶爭隨。初七下九。三挑迷蕩子之魂。楚尾吳頭。兩槳費中人之產。洵斯波之光。坡洛浦之莊。姝也已爾。乃抽觴自愛。擁髻恆啼。黃蘗生春。早知心苦。紅蕖出水。偏惱泥污。想解佩以誰投。每留花而不發。則有韓郎者。吳中之高才生也。橫塘借問。本是河

小倉山房

卷三

三

鄉泛宅相。從竟成吉耦。奔精照夜。含菱蒹以俟。風驚女采薇。看文魚之警。乘解拋家之髻。戴奉聖之中。白謂柳毅不歸。與龍同老。韓終旣嫁。煉藥長生矣。亡何生受妖夫之曳。占徽纆之爻。地市錢空。天牢星逼。先是小玫嘗語生曰。若人侈口。歷頤過頤。涿視殆非佳士。夫子覺者也。盡遠之乎。生初允豫。至是方讐服焉。嗟乎。眼中有鐵。乃在嫉光。眇視之人。裙下生雲。竟爲別鳳。離鸞之兆。蠶方。瑟縮。繭豈同功。鳥號流離。棲難並翼。于是小玫唾荆軻之耳。中履士會之足。下腰無一尺。淚有千行。置酒湖上。捧觴屬曰。生也有涯。別如小死。君趣辦裝。妾敢不瑗請。前乎然而遊仙枕。斷記事珠存他日。補春餘之墜歡。

尋邊撩之晚景盼蕩子之長信寄仙人之短書絳蠟分
明應知此意取琴鼓歸風送遠之章挈舟竟別當是時
也壺中紅淚彈罷燈涼江上青峯曲終人去目雖窮于
楚澤翻若驚鴻腸方繞于吳門恍如覆鹿水波爲之於
邑飛鳥過而徘徊韓亦無如何也今者長卿遊倦駟馬
人歸崔護重來桃花門鎖念娟娟之此豸似隔千年盼
粥粥之羣雌竟無一可錦裙尺六記存笠澤書中約指
一雙詩在繁欽集上龍工可往將褰裳以何從柔姊焉
歸問遊鱗而不答繫篋則繁霜入夢驚響板而鸚鵡
呼名約絕陰天渺難跡矣幸而延壽畫成崔徽圖在蘭
葉春風之帶著紙如飛苔花暮雨之鈿凌波欲活畱墨
淡矣將同烏鰂之魚執手奄然頗似潛英之帳望嫦娥
于月裏光雖遠而長圓喚踏搖于屏風人雖在而難下
僕也泛彼柏舟曾窺桃葉驚張冬目省識春風序弦超
匏箏之因緣補玉壺紫英之小傳所願輕霄再續阿軟
重逢賣卜成都便訪支機之石吹簫吳市仍呼瀨女之

船

小倉山房

卷三

四

尹似村公子詩集序

舉頭見日長。安爲公子之家。下馬傳書江上。遇梅花之
使。擷千行珠字。有九畹蘭言。將編玉臺之詩。遠索徐陵
之序。若曰陽文之姿。非秦鏡不能描也。祇夏之音。惟魯
鼓爲能協也。臨淄交好。祇有楊修。劉尹生平。最思元度。
然則表性情之幽。憐寫煙墨之清。光舍我其誰。當仁不
讓。似村居士。今望山相國之嗣君也。榮公樂府久歌第
六之郎。孔鯉門庭。夙稟二南之訓。仲舒蘊藉。夷甫鮮明
目。有青晴腰橫赤。悲腸澆西江之水。沙篆成文。夢餐一
樹之花。芬芳滿齒。甲戌二月。相見于袁浦署中。蓋相公
督理南河時也。通家誼重。一見心傾。對柳浪以題襟。映

小倉山房

卷三

五

桃波而泛月。襄城君有手。初握荀文若。餘香尚畱亡何
相公。四督江南。似村場來官舍。書聲隔竹遙。知文選之
樓。帽影飄風迎。出樂賢之館。從此珠點夕。露金然。曉光
早。燕新鶯。斷霞殘雪。非畱連于函。丈必。宴賞于琴尊。而
似村。苦志耽吟。偷閒出橐。或片言欲下。而攬袂深謀。或
一字未安。而剪鐙勸改。雖漏聲之雨急。猶才語之蟬聯。
反脣則頽雲不飛。擊節而驚花亂下。可謂義心清尚。好
學深思者矣。雖然。鄧禹之兒十三。能明經者。幾輩安世
之侯。七代乘朱輪者。數人相公玉樹連枝。麒麟接趾。非
高寢爲郎之彥。卽期門試弁之才。往往半而未終。一鞭
遽別。惟似村生。而羸弱不能侍中。長更溫文好遊小學。

端門覆試表胄子之真才玉殿揮毫取秀才之美號于
是子駿得隨父任終日趨庭汲公老臥淮陽十年不召
江南花落往往逢君朝川月明時時過我雖風騷之道
合亦香火之緣深故也所恨潘陸才華竟遲科目蕭曹
家世頗患清貧况復使相還朝小侯歸第未免幽臆雪
滿曲突烟希紅休未封綠車待幸根同秋水而羣花之
得露先開穴共丹山而一鳳之凌霄獨緩宜乎桓譚不
樂平子工愁閒雲無出岫之心倚竹有生寒之感絃么
徽急琴以鬱而彌悲風定潮回笛以孤而愈脆也嗟乎
萬里雲程大器不妨晚就百年歲月浮生無奈情多僕
也五載手分九回腸斷欲買絲而相繡悵倚玉以何年

小倉山房

卷三

六

每折疏麻寄遐心于空谷恍如殘夢聽遙響于鈞天聊
借弁言小申結轡但願三微接統九服扶輪龍泉鑄而
青氣升泰華立而高呼遠此時采筆占一門宮體之先
他日清風繼三代芸香之後

竹軒小集詩序

水軒居士子猷愛竹宋玉悲秋封嘉樹以無聊據槁梧而自得則乃滌文石召清流露籜爲茵風枝掃席此中有鳴琴焉可以移情其下設象戲焉可以坐隱惟時野王二老竹林七賢稱桑苧之翁號猗玗之子傅咸小語宋玉大言談橘叟之滄桑紀羊珠之歲月能餐柏葉卽是仙人雅摘蓮花都稱博士或銀鉤犯浪或岸幘頽山或唐弓楚弓爭夸射鵠或魯鼓薛鼓各賭壺臬調絃而竹粉墜風布局而梧陰覆子歌成纂纂依然歷下之賓缶擊鳴鳴何必邯鄲之婦餐十七物飲一經程花落煎酥瓜橫待戰豈特湯官五熟夸居方藁飮之書手勢三

小倉山房

卷三

七

分。鬪。玉。柱。潛。虬。之。合。也。哉。更。喜。水。近。燈。涼。秋。深。蟲。急。霜。花。新。下。芙。蓉。拒。而。更。紅。山。骨。初。呈。木。葉。脫。而。微。瘦。輕。波。弄。月。上。下。雙。珠。長。風。起。松。宮。商。一。笛。此。時。星。聚。身。披。三。素。之。雲。他。日。圖。成。影。入。九。仙。之。鏡。不。有。篇。什。曷。追。古。風。請。分。沈。約。之。詩。牌。更。倩。長。康。之。畫。筆。紅。霞。一。口。各。吐。風。前。青。石。三。方。永。鑄。池。上。

送尹太保從兩江入閣序

夫歲星周天仍傍紫微之座冬日可愛終依黃道而歸是以伯益作火正侯釐入輔夏室太公爲東西大伯老相周邦古大臣抱格天之勳佐塞晏之化者未有不始于旬宣終于坐論者也然而儒稱遭際佛重因緣均此山河疇是燭龍銜照之處同爲草木誰是孔陵手植之枝分一葉之濃陰數皆前定受半生之陶鑄事豈偶然今年秋望山相公從兩江入閣枚賦詩送行而先爲之序曰公之初來江南也苟羨華年八州兼督姚崇應變十事要君戴白垂髫者滿仲華車下宛舌同聲者談吉甫清風其時人但知公覆物之高明而不知公成物之

小倉山房

卷三

八

悠久也爾乃牙璋四至膏雨卅年竹馬兒童頭顱成雪甘棠官舍蔽芾參天元武湖波成老臣湯沐之邑紫金山色當兒時釣弋之鄉官未奉魚符而望塵便服民但聞騶唱而捧轂先歡公且盛美不居與道大適糠粃簿領瀟灑烟霞瓠子防秋定黃河于掌上崆峒迎駕拔青山于地中自本朝立國以來駐江之久艾物之豐問有如公者乎說者謂一時景運申公雖自開吳萬里長城廉頗豈徒用趙是以三秦地險六詔天遙金川受降元江奏凱公何嘗不鑄烏巒之柱視紅柳之營而卒之陳湯有五日之成功汲黯無十年之不召或爽鳩之席未暖而仍賦南征或螭蟠之塞方行而忽停北轍來如

明月徹夜常圓去似春風隔年又到此非淮水所能遮
畱南人所敢久借者也然則韋臯爲諸葛後身故享西
蜀擁旄之報朱穆有冀州遺愛故受東都畫像之榮古
人所言信有微矣至於枚之于公也三年一盼夢不到
夫諺門八表停雲誰先容於細席而乃識之於弱冠揚
之于王廷目是銀河別澄虛鑿耳成荒市不惑訑言方
辟睨未遑而有 詔命爲師傅忽上清小謫而改官又
隸幘幪夸公孫之能教攝五縣拜孔融之表薦刺一州
雖難進格于停年早退由于自畫良苗不實深負烟鋤
仙桂不高有慚月斧而不知游夏之于孔氏重文學不
重官階也籍混之于韓門傳詞章不傳勲業也陳畱小

小倉山房

卷三

九

吏但數人才東京學堂偏尊下坐假使枚尚頭簪白筆
腰綰銀黃則繾綣從公未必常依函丈文書銜袖亦難
祖述風騷今陶令辭官而買山適逢麾下潘安奉母而
抽身得傍晨昏此豈枚所及心儀公所曾控揣者乎于
是曉衙官散高春探鼓角之聲野徑人來落日照麻鞋
之影白雲入而朱簾捲畫戟橫而彩筆飛或花簇金鞍
親來小住或堂鏗玉佩許拜夫人或逆薪而爨勉曾參
之事親或禱祝以求盼商瞿之子月落而軍門未掩
知燈前尚有詩人山遊而掾屬爭看怪車後常攜隱者
哀絲豪竹盡識彭宣奧旨精文定呼子慎置醴則諸郎
投轄賡歌則駮馬傳箋凡此雅遊都成陳迹試問西雍

多振鷺。而何以偏賞閒鷗。桃李遍春官。而何以獨親小
草。豈非廣桑山上。仲圭尚有前生釋梵殿。前法和原同
香火之故哉。此枚所以襯席頻驚。而拈花頓悟者也。茲
者清宵露湛。當藩侯秋請之期。遵渚鴻飛。是元聖東歸
之日。公德車郵。勿初試沙隄。假板康娛。竟辭南國。慈雲
覆久。風乍移。而鳥雀皆驚。膜拜聲多。佛已過。而香烟尚
裊。攝山萬丈。難刊功德之碑。秋水一江。半是軍民之淚。
枚老辭夏篆。不隨魯叟西行。采盡商芝。終出畱侯門下。
遙瞻東閣。便憶孫宏。怕過午橋。長懷裴令。涼州烏翅。何
時削脯。吹來半首清香。只有幽蘭宛在。公屢賜乾辦素心。蘭雖負
笈。有從遊之禮。而顛毛皆垂白之年。驪歌聽唱于僕夫。

小倉山房

卷三

十

秋。駕絕塵于江上。倘或前緣未盡。定重逢問字之車。如
其後會難知。誓永立來生之雪。

瞻園小集詩序

山水以永趣也咏歌以抒情也生貴族者其性豪甫弱冠者其氣逸今日瞻園公子之宴殆其人耶瞻園者中山王之故府今方伯永公之官衙也有平泉之富梓澤之幽公子春巖品藻羣流主張勝地康樂心賞最是良知李翰文枯便奏音樂時則青春受謝赤燁行權雲可妒羅風猶動絮親書花葉招三徑之幽人妙選排當助一堂之雅奏青山橫而簾捲碧荷動而香生攀崖呼鳥獸之門臨水吐蛟魚之背鹽形似虎酒味稱龍繁肴雨護世城中珍怪耀安成席上范致能雲霞作麴鄭司農狼觸爲膏乃召嚴春試車子吹比竹動交竿仙雨濕衣

小倉口房

卷三

十一

都成酒氣美人流目欲鬪花光曲終而紅豆盈箱舞罷而珍珠可掃更有犁軒幻人木熙侷子蠅排舞隊風唱阿房魚以名呼鼠能口召梯雲而上出明月于懷中覆手以藏歷七星于甕下有笙歌以韻之則亭臺活矣有裸伎以眩之則風月新矣然而羣公莞爾僕獨淒其昔習鑿齒重到襄陽賓僚換盡曹吉利再來鄴下涕淚潛然僕如公子之年早作瞻園之客綠波炤影幾度琴尊黃土搏人萬重桑海花曾識面石盡題名而今日以安仁之鬢毛攀漢南之楊柳驚聞絲竹感極山河嗟乎過眼須臾莫非陳迹知音朋盍總是前因非序不足以傳蘭亭非詩不可以豔金谷郎主之音情頓挫行矣難忘

諸公之妙手森羅袖之可惜請書生紙免脫容刀人賦
角弓僕爲嚆矢

小倉山房

卷三

十三

俞楚江詩序

夫刻削者比肩而班，僂擅巧謳誦者成俗而射稽稱工，非其人則神爲器滯，得其道則籟與天通，煩手淫聲乖，惻隱古詩之義，絕節高唱在義心苦調之人。楚江山陰著姓燕北寄公賦幼年新月之章，如古人初日之對其先人，早異目視之，爾乃童牙五歲離民母之懷，落索一殮作君甥之寄，渭陽情薄共相罄，餘荆樹心孤誰爲銜。恤淳于齊，贅仗健婦持家，魏舒鄉居爲里人，管碓烏方返哺，樹已搖風呼阿子，以不聞嘆遺奴之何托，雖老子生于苦縣，鴟兒逼上愁臺，未足比此孤危。方斯優悒，于是齋油素以遨遊，犯風霜之爪甲，或齊郊晉壘乘遽登。

小倉山房

卷三

十三

臨或禹穴堯峯操觚，混弔每至雲中，月墮天外，心歸送鴈，秋風聞鐘，暮雨遂乃驅使，烟墨蕭條，芳彈琴取絃外之聲，飲水辨江心之味，衍波精紙書花葉，以同清密。字真珠化仙霞而欲去，倘入鍾嶸之品，不在下中，卽登表聖之門，自居高品，宜乎庶士傾心，萬流仰鏡，招隱者于旄子子問字者，束帛爰爰，樂令語言全資，潘岳竇融章奏，半出班彪，實至名歸，猗歟卓矣，先生方且鞫錄其躬，遺蛇其貌爲善，有踐繩之迹，修業無息版之時，抄陸贄之方書，囑人必蔭，焚宋清之藥券，麗褫必援，又何其懷淳鬯之德而抱殷勤之心哉。至於三倉五雅之奇雀籙，鷄碑之辨，捨鳳分蟲之事，朱文綠字之章，尤能奏刀。

投削潤古雕。今見蒼聖于羹牆。活冰斯于腕下。此又學者之古懷。風人之餘藝也。今者當沈初明之暮年。爲徐孝穆之南返。賦工不賣。尚四壁之蕭然。詩好能飛。豈三公之可易。王尼露處滄海。橫流管輅清談。總千山立。僕以雲霞之契。定杵臼之交。初接康成一見。而欽爲長者。再招祖約深談。而同入元中。忘其才懸。勉爲隍引。庶幾咽庫辱官之唾。福慧俱來。韵宗少文之絃。遙山共震。

小倉山房

卷三

十四

瞻園兩公子送行詩序

雲。中。笙。好。方。聽。子。晉。之。吹。海。上。琴。孤。忽。斷。成。連。之。曲。此。
師。曠。因。之。躅。足。孟。嘗。倍。欲。沾。襟。者。也。而。况。草。元。問。字。往。
來。揚。子。之。亭。捧。席。橫。經。聲。咳。康。成。之。側。者。乎。則。有。竹。巖。
鐵。崖。兩。公。子。者。江。寧。方。伯。永。公。之。嗣。君。也。公。敷。丹。青。之。
化。表。淳。邕。之。風。陰。德。耳。鳴。屋。漏。不。愧。旁。人。目。論。後。世。其。
昌。生。合。浦。之。雙。珠。比。豐。城。之。二。劍。爲。舒。祺。晚。得。而。少。子。
加。憐。因。賈。嘉。不。凡。而。通。書。最。廣。公。子。懷。文。抱。質。潤。古。雕。
今。十。二。月。昭。明。錦。帶。之。書。八。千。張。崔。約。手。鈔。之。紙。難。爲。
其。弟。儀。展。誰。優。酷。類。其。兄。機。雲。並。耀。荀。卿。五。十。始。遊。學。
而。公。子。萬。里。趨。庭。鄴。炎。十。七。作。州。書。而。公。子。髫。年。奮。筆。
小。倉。山。房。卷。三。五。
凡。大。行。左。右。河。水。東。西。六。詔。雞。關。五。溪。瘴。雨。靡。不。遙。山。
對。酒。孤。月。題。襟。加。以。乙。乙。場。思。賢。賢。易。色。文。選。樓。中。蘭。
臺。客。聚。江。洪。館。土。銅。鉢。詩。成。雖。以。賤。子。之。不。才。猶。辱。高。
軒。之。三。顧。鹿。銜。書。至。華。陽。十。賚。之。文。水。泛。瓜。涼。南。皮。三。
秋。之。宴。揆。張。德。講。風。扣。鐘。脣。震。攄。咫。聞。花。飛。天。口。窺。其。
學。海。不。可。量。而。知。也。擬。其。情。膠。不。可。剉。而。斷。也。不。圖。今。
年。七。月。方。伯。全。家。入。都。孔。璋。行。矣。抗。手。何。時。洗。馬。愁。乎。
悲。風。四。起。滯。澗。水。合。而。靈。犀。忽。斷。其。流。蘭。蕙。香。交。而。長。
鏡。遽。分。其。種。秋。艸。尚。碧。關。河。已。霜。蕭。蕭。馬。鳴。滔滔。江。水。
公。子。方。且。琴。尊。不。御。玉。札。頻。來。廣。集。鈔。胥。錄。余。草。藁。黃。
初。金。帛。購。北。海。之。文。章。百。濟。樓。船。索。蕭。雲。之。筆。墨。人。間。

知己心上恩波。僕所以淚不知行而腸爲九轉也。其業師嚴憩堂秀才傷吾道之欲東感青藍之小別賦詩七首索和羣賢悠揚彈素女之絲悲愴極秦青之奏嗟乎騏驥籟雲六閑雨泣鳳皇振羽百鳥啼烟物且同情人尤多感然而公等齒猶未也風無不聚之萍僕則鬢已蕭然樹有孤棲之雀探懷中之珠字送江上之瓊枝高惠神交難識夢中之路張堪前輩豈無見托之言所望努力烟霄羽儀皇國他日車過三步休忘喬太尉之生平此時柳折一枝共唱江文通之別賦

尹文端公詩集序

夫無形者功德有象者詩書易泐者鼎鐘不朽者竹素是以八伯渺矣而朱干蒼落之音傳三象亡矣而東山零雨之篇著上有文思之后下有文命之臣凡以喜起皇風軒龔帝載非偶然也我朝尹文端公以鉤河摘洛之才贊堯醲舜薰之化言敷彤管早穆清風墨灑黃麻便成甘雨其功見於天下其草焚於篋中辰告訏謨有國史在非枚所敢知也若夫四始源流五際聲韻心乎愛矣情在于斯偷三接之光陰廣資省覽分九霄之聲咳潤色風花當其卷阿從遊柏梁應制凌雲賦而人主驚老鳳鳴而百鳥息對天揮筆畫日成章方知從古小倉山房

卷三

七

皇夔原稱才子於今燕許尚有風人他若擁旄憑弔之塲三邊盡歷駐馬謳吟之地五嶽平看金石流其聲江山壯其采讀公詩者疑其生知敏性不假錘鑪者乎而不知又非也公功高百辟志在三餘督八州而道然吟七字而自喜其精思也如其謀國其異入也如其擾氓其綿麗也如其測交其矜嚴也如其弊吏而且纂言則油素書之愛士則傾衿禮之故能宣揚八風不差累黍吞吐四瀆兼納細流行間消蹈厲之心言外得中和之氣較彼經生尚多孤詣就論風雅已壓羣公近今以來嘆觀止矣枚卅年隅坐由也升堂一旦山頽吾將安仰猶憶鼓角臨江之日牙旗捲雪之天張設有烝爲賞休

文之二句。畱連裙屐。蒙呼王儉之三。公點瑟。方希牙琴。又奏。負牆請退。刻燭重添。軍門沉漏。而不知燕寢。橫箋而忘倦。孔子曰。好之者不如樂之者。其公之謂乎。然而王筠喜押強韻。讓天下以先楊綰。戒不示人。懼知音之少。今者大星已隕。餘光尚耿。於天小子。幸存斯文。敢墜於地。望九原之人。遠慮二雅之道。淹用是編。集遺文都爲八卷。雖問字元亭。無復春風之座。而尋琴海上。依稀流水之聲。知我一生。報公千古。嗚呼。

小倉山房

卷三

六

熊蔗泉觀察詩集序

熊蔗泉先生三生哲匠一代清才當典謁之年有成章
之目取壁經置座右張霸饒爲坐羊車入市中王澄絕
倒映日則腸胃之文可見臨風而哺啜之狀亦佳年十
五舉京兆年十九補秋曹年二十軍機房行走三摺以
俟雍容鳴玉之儀七涓有隣瘳曳清巖之地當盧烏蠅
飾盡內裁扈帶鮫函時從羽獵九乾之法咫尺多所
咨詢一時之公望公才隱然丰采然而香烟朝罷珠玉
吟成潤古雕今含章奮藻未嘗一日忘其所好也已而
有湖北監司之命六劍具在雙旌啟行應奉記七十四
縣之囚陸續賦八百餘人之粥雉雉然萬物化焉喁喁

小倉山房

卷三

五

然四野歌焉再權方伯益扇仁風膏雨布其恩卿雲表
其瑞雖長沙地小舞袖不能回旋而襄陽壇高牽羊已
至四匝帖荆日久詛楚文來爲采赤側之金遂坐王庭
之獄解龜荆渚拾翠瀟湘片袂無聲三年待放當是時
也漢女行歌於撤填巴童隕涕于持靴諸氓私阮畧之
神行路喂房謨之馬先生罪經全雪年正方剛自然偏
陽之懸蘇而復上秦宮之鏡磨且益明矣不料川方至
而潮收霜乍零而蘭瘞機名佞蹙拜闕難行目喪清瞻
瞻天何處帶淵墻而後起身豈斷蓄降北渚以愁生花
皆隱霧娑娑生意天折天年遽喪人琴非關風燭嗚呼
先生爲司空之文孫翰林之媚子伯兄卿倍百邑婦翁

僅指千人仙。桂根高明。珠性耀以故。陳顥立宅。必容車馬。旌旗游楚。出行常帶琵琶。箏笛虹竿。雄拂地掃珍珠。月兔羊燈光。搖錦障。極寵柳。驕花之樂遊。華鬢切利之天。一旦火自崑炎。水流春去。收聲藏熱。飲藥呼醫。旁觀代覺。凋荒當局。能無優悒。而先生居幽若泰。履困如夷。家雖貧而道不貧。形雖病而神不病。王駘喪足。棄若土苴。師曠失明。倍精音樂。吹反潮之笛。閒倚雕闌。張却夜之旛。高燒絳蠟。得句則呼兒代錄。扶僮而對酒。當歌鼓識。回搗峽內。驚逢王應面。看薄醉邳州生。祭韓稜。此非乘彌戾之車。走和神之國者。而能如是乎。宜其婣雅之章。清思窈冥。緣情之作。流響紆回。雖茂先橫珠太冲散。

小倉山房

卷三

三

錦不是過也。枚與先生測交于佩。鰈之年。卽呼小友。卜隣于挂冠以後。並賦閒居。傷六代之風。洞喜兩入之道。合一則倉山橫枕。四面烟蘿。一則桃葉當窗。終年簫鼓。每至錦雨冬歇。金雲夏鋪。齋罷八關。宴開三昧。及爾如貫。舉杯相於。得一味之佳。同修食譜。賞半花之艷。各走吟箋。虞松表成鍾。曾代商五字。雲喬晏起休。文往伴終朝。飲中山元石之觴。三年心醉。噉白傅防風之粥。七日口香。方期范縝寡交。舉足輒尋王亮。豈料荀郎年少。後事反托鍾君。非黃壤之埋公。實蒼天之孤我。嗚呼。曲盡當筵。人生一世。鶴求華表。少別千年。引號歸雲。誰續廣陵之散。稍餘紅豆。空存記事之珠。縱教美景。良辰依然。

寡集未必虛堂幻影再接平生幸嗣子之不凡取遺文
而相付杜陵衰淚半落行間宋玉招魂如來紙上慮應
場之稿燼敢元晏之序遲鋪敘官勛當作龍門之小傳
編排篇什長留鳳鳥之希聲

小倉山房

卷三

三

代渤海相公祭尹太保文

嗚呼五緯移宮。天上有忽墮之星象。四時成歲。人間無
不去之春風。矧乃九服英名。七旬遐壽。禹甸半懸。其像
箕疇全集。其身已極。哀榮尚何。優咈然而葬。姬公於畢
明主。沾襟聞子產之喪。路人含玦。蓋惜卿雲之易散。傷
冬日之難留。故也。而况乎位繼蕭規。身經孔鑄者乎。恭
惟望山相公。嵩嶽分靈。元黃毓粹。受風后之金法。調阿
衡之玉鉉。鉛槧隨身。楊子銅車之歲。蘭臺簪筆。仲華哀
服之年。諭越乘輅。霜清狴岸。鬢河導牧。波靜龍堂。曾西
髓夫剛戎。更南馘犬。白賊三貂。華重四扈。推移入作。阜
蘇出磨。方召嵩陽。毒地郭公。駐馬而風和。樂陵苦泉。房
小倉山房

卷三

三

豹停車而味變。民人樂見。如月初生。風聲遯聽。未春先
煖。其持節之最久者。則在西周分陝之邦。與禹貢揚州
之域焉。是以長安三老。慣說音塵。揚子一江。幾成湯沐
事練。則沉幾應智。亭壽無心。才優則閣手。仰成吁。茶有
道淮南。艸木知張萬福之威名。殿上車聲。識田千秋之
恭謹。無人調鼎。有詔催公。當其赤舄之將行。頗覺蒼
生之難別。自知衰矣。攬轡濟然。然而自公入閣。以來五
嶽無塵。方趾圓顱。共慶六祈。輟診別風。淮雨俱消。夔拊
龍言。雍容九陛。堯趨禹步。扶持七年。分貢樹之香。同餐
法酒。扈長楊之獵。尚挽強弓。方期恒仰中星。豈料離占
仄日。威鳳竟翔于寥廓。虛舟長往乎夜川。

皇。上。南。內。輟。朝。武。宮。去。籥。錫。衰。一。奠。竟。勞。帝。子。之。尊。庸。
器。千。年。永。入。司。勲。之。籍。耳。聞。者。難。禁。曲。踴。身。受。者。應。泣。
重。泉。某。故。吏。情。深。典。型。人。遠。一。門。兩。代。半。隸。旌。麾。二。水。
三。山。常。陪。文。讌。身。非。王。滿。得。親。公。旦。之。徽。言。才。愧。士。行。
竟。坐。劉。宏。之。此。席。尊。前。風。月。宛。若。平。生。鼎。底。鹽。梅。又。傳。
衣。鉢。撫。太。尉。親。栽。之。柳。當。襄。陽。墮。淚。之。碑。托。巫。咸。以。招。
魂。折。疏。麻。而。寄。奠。嗚。呼。官。羈。南。服。難。駕。素。車。白。馬。而。來。
賜。斷。西。州。敢。忘。斗。酒。隻。雞。之。誓。哀。哉。尚。享。

小倉山房

卷三

祭吳桓王廟文

余年十七讀吳桓王傳心感慕焉後十年宰江寧過銅井廟有美少年像披王者冕旒英氣奕奕野人曰是桓王也余欷歔拜謁奠少牢爲民祈福而使祝讀文曰惟王值天地之睢刺爲孤露之童牙初亡姑蔑之旗便射徒林之兕先破虜將軍王璽方收金棺遽掩有功帝室未享侯封王收斟灌之遺兵零星一旅就渭陽之舅氏涕淚千行志在復讐身先下士神亭擲戟立竿知太史之心金鼓開城解甲拜子魚之坐鳴角以招部曲戎衣而習春秋則有公瑾同年捨道南之宅喬公淑女聯吉偶之歡自覺風流私夸二壻有誰旗鼓敢鬪三軍江有小倉山房

霧以皆清陣無堅而不破待豪傑如一體用降兵若故人逐奉佛之笮融功高明帝誅妖言之于吉識過茂陵起家曲阿收軍牛渚廓清吳會奄有江東百姓以爲龍自天來虎憑風至勢必山傾地坼井堙木刊矣而乃望見兜鍪陳平冠玉再瞻談笑子晉神仙三軍無雞犬之驚千里有壺漿之獻氣吞魏武避猗兒之鋒表奏漢皇迎許田之駕蓋不踰年而大勲集矣不圖天意佳兵三分已定丹徒逐鹿一矢相遺劍出匣以沙埋日升東而雲掩天實爲之非偶然也夫漢家之火德方衰妖讖之黃龍已死王如創業美矣君哉然觀其絕公路之手書宣昭大義問劉繇之兒子繼纒平生雖神勇之非常偏

深。情。之。若。揭。就。使。請。隧。周。室。謀。鼎。暉。臺。必。非。操。莽。之。姦。
邪。終。見。高。光。之。磊。落。也。而。說。者。謂。坐。竟。垂。堂。勇。忘。重。閉。
未。免。麤。同。項。羽。死。類。諸。樊。不。知。伏。弩。軍。門。亦。傷。劉。季。深。
追。銅。馬。幾。失。蕭。王。成。敗。論。人。古。今。同。慨。彼。齊。武。王。之。沉。
鷲。晉。悼。公。之。雍。容。俱。未。輕。身。亦。無。永。歲。抑。又。何。也。今。者。
廟。貌。雖。頽。風。雲。自。在。端。坐。悒。悒。郎。君。之。神。采。珊。然。秋。草。
茫。茫。討。逆。之。旌。旗。可。想。三。吳。士。女。皆。王。之。遺。民。六。代。雲。
山。皆。王。之。陳。迹。守。土。官。袁。枚。幼。讀。史。書。掩。卷。生。慕。來。瞻。
祠。宇。雪。涕。沾。襟。難。從。隔。代。以。執。鞭。悞。欲。升。堂。而。拜。母。修。
下。士。天。臺。之。表。寄。將。軍。帳。下。之。兒。願。安。泰。厲。之。壇。永。錫。
編。氓。之。福。勿。孤。普。淖。鑿。此。丹。誠。嗚。呼。千。載。論。交。王。識。少。

小倉山房

卷三

五

年之令尹九原若作吾從總角之英雄

公祭襄勤伯鄂公文

嗚呼。微曉含芒。天星所以高上。將見危授命。人世所以重。尸臣乃有枉矢。西流赤烏。夾日班超之行。萬里韓弁之歿。三邊海內。爲之搯膺。

天子聞而郊弔。豈非犀軒直蓋。光爭鐘鼎之先。馬革殘屍。位列雲臺之上者哉。恭惟虛亭尚書。殷代巫咸。姜家呂伋。華嶽。削成于面目。雷精感應于胎生。受五運之金。多太阿立斷。得九秋之氣。勁止水無波。少步花磚。三清受職。長持玉節。十部宣威。謝傅領丹陽者。一年陶公穆風聲于千里。天子受降。伊里命公出鎮。呼韓明知梨樹。請盟吐蕃。難信涇州。獻簿醜奴。可疑。祇因王者推誠。

小倉山房

卷三

三

聖人無外故。使甘陳爲都護。將倚頗牧。如長城。公奉詔鑿行。誓心衆入。戎裝別母。有淚無言。秋日從軍。多霜少露。蓋早已笑看金玦。長辭玉關矣。亡何豺狼起于穀。下烽煙莽若雲來。犬不左牽。鞵難御突。抱九地九天之智。莫可施爲。聽一甄兩甄之鳴。長圍漸逼。拳毆突厥。肘見骨而未休。旗偃雷門血。溺驂而尚戰。短拳困拔山之。手妖雲遮。捧日之心。雖必死。是期不去。教曹鼓蓋而大。臣難辱。終抽光弼靴刀。嗚呼痛哉。白草青燐。誰辨蔣侯之骨。廡旌冷。翠虛歸穆伯之喪。一柱西傾。九重天泣。驚聞鼙鼓痛甚。沙塲養孤兒于羽林。錫高堂以胎穀。刻木以像鮑信。碧。風涼。臨池而痛彥昇。綠沉瓜墮。假使公。

竟維婁質子。牢箝賢王。封驃騎之狼胥。築韓公之中壘。
轉不過策勳。雙闕磨崖一碑已耳。又安能氣肅三靈。而
哀騰七萃也哉。今日者旄頭宵落。龍庭晝空。鳴鏑者銷
聲。沸脣者讐伏。終軍被害。卒臬南越之頭來歙。雖亡終
取公孫之蜀公之目。可以瞑矣。公之心。可以安矣。某等
會依麾下。同沐清風。過細柳之軍營。尚思刁斗望周南
之芟舍。敢折甘棠方期式像于凌烟。豈料招魂于絕域
雍容裘帶。涉想猶存。叱咤風雲。音塵不再。謹以牲牢之
奠。聊申部曲之心。黍稷非馨。丹誠可鑒。所冀刀弓自動。
卽爲來享之徵。轂左歸來。莫作思鄉之夢。哀哉尚享。

小倉山房

卷三

七

檄吳縣城隍神文

昔重獻上天禁神人之襍處夏王鑄鼎除魑魅之不祥
故知沈有履竈有髻者沴氣之偶乖也楚人鬼越人禩
者弊俗之宜創也蜃宜社之肉祇以勤民鼓太陰之弓
原爲射厲我國家齋宮澄肅祀典清嚴祇正官閒女
嬪星耀過科車之故氣照白日之幽嬪稱天而誅嶽瀆
奉三章之法惑衆者殺軍民掃五厲之壇凡夫虵驚赤
被鼠說黃祥宋無忌之兒妖徐阿尼之猫鬼靡不銷聲
滅迹輯羽藏鱗豈有怪異丹朱敢扮身以儀房女悖同
河伯竟娶婦以長巫風如汝吳縣隍神者何其妄也惟
神血食金閭卵翼士女繩芟冢主宰執殤宮有廼茀之

小倉山房

卷三

三

妖當呼甲作食之或鮭蠶之崇當命方相擒之乃元妙
觀旁女子沈阿雲口稱神據病入談詒半黠半癡非因
非想戶櫺不枕遭蹴首之驚姪變不祠受妖夫之曳花
如著霧但有啼痕玉未成烟漸無華色三更吹霎白蜺
嬰拂之風一夢行雲紂絕陰天之所命娘擁髻以泣徧
請神方戚隣掩戶而驚懼招鬼壻噫異矣夫五行六氣
之怪聖人不言四鄉九正之靈明時効順高高在上寧
非有道之天虺虺其聲豈是無雷之國如何非類遺爾
相干午乃淫威肆其竊疾棄位而姣明禋非野合之場
不夫而婚內土豈司幽之國禁部民之娶律有明刑嚴
左道之誅法宜加等或者繡衣乘傳漢官尚有詐稱焉

知。社。鼠。城。狐。冥。府。不。無。假。託。然。而。既。少。聰。明。之。察。終。慙。
黍。稷。之。馨。欲。斬。神。叢。先。焚。祆。廟。下。官。偶。來。吳。下。居。此。凶。
矜。怒。髮。植。竿。雄。心。拔。鞘。撫。長。劍。兮。擁。幼。艾。雅。慕。騷。人。鉅。
猛。氏。而。斲。游。梟。敢。藏。賦。手。女。父。龍。官。陽。爲。造。室。之。求。陰。
作。鸞。篔。之。奪。下。官。不。忍。拒。也。哀。渠。窈。窕。曉。汝。淫。昏。彼。美。
人。兮。焉。能。事。鬼。我。丈。夫。也。不。愧。于。天。焚。斗。檢。之。斜。封。當。
鄴。都。之。露。布。今。日。者。兩。行。花。燭。一。色。刀。光。侷。子。催。妝。桃。
笈。撒。帳。磬。折。以。待。權。爲。西。門。豹。之。擲。揄。磨。厲。以。須。莫。怪。
郭。代。公。之。鹵。莽。

祭盧恭人文

嗚呼。同作寄公。悵通家之人。少遠傷嘉。偶驚少女之風。多月方耀。夫織阿星。忽沉于織室。此鰥魚所以有常開之目。隣春所以有不相之聲也。而况德重金閨。受公宮之四教。聲留彤管。歌靜女之三章者乎。恭人本宏農著姓。生息土名區。婉孌蘊其容。莊姝表其度。旣懷文而抱質。亦習禮而明詩。我抱經學士以最後之絃。作煎膠之續。初傳下達。頓起調言。或謂餘杭路遙。納幣何須出境。或謂藁砧日暮。生梯已屬枯楊。苟非玉女清曠。寧免冰人卷舌。乃恭人耳聞嚴命。手戴香纓。慕楚國之先賢。欣然筮日。作盧家之少婦。不復疑年。益其神識。超然早已。小倉山房

卷三

三

加人一等。及其嬪于學士也。曲號姑恩。獲婦如歌。得寶箴。修女史。執鍼間以織。衽三滌。三翻。概散修蜃之器。一燈一卷。蘭熏粉澤之書。學士好直言而恭人進伯宗之戒。學士偶入覲而恭人爲裴澤之從。旣連襪以倚裳。亦雙心而一衽。曹大家所謂婦如影響焉。得不賞者其恭人之謂矣。且夫黍離之什。伯奇野放之歌也。黑心之符。義方諷世之作也。從來後母絕少。慈雲恭人撫暮鷄之嬰。媿學鳩鳩之平一。爲兒髮鬢。治挖禿以無嫌。哺女淖糜。喚摩敦而共樂。忽殤文伯痛甚。敬姜湯液扶持。冷霧清霜之際。曉痕停結。拍膺洵涕之餘。不。因。異。腹。而。損。慈。翻。以。銜。哀。而。致。毀。其。病。也。乃。其。所。以。爲。賢。歟。兼。之。不。侈。

妬下旁求側室之勞。煩惟恐。漢宗勸續小郎之介婦。米
鹽凌襍。碩畫分明。姘姆歸依。齊聲延祝。此又善心爲窈
善容爲窈之明徵也。已客秋枚山妻以鄉里之親。遣女
奴作私覲之請。蒙恭人賜之敷坐。接以和顏。雖欽遲未
來。大享廢夫人之禮。而餘恩逮賤小君。有竹籩之將鳴。
呼人何淑也。僕有感焉。蓋聞媒以名通。大抵華年。胖合
妻因夫貴。都夸興慶。首行是以高柔愛玩。賢妻有終焉
之志。元相悲傷。故劍因晚景之榮。學士上苑探花。湘南
持節。雖如春夢。已付輕雲。而恭人齒未三旬。歸才五載。
假使慶鍾于後天。假之年安。知不膝繞珠胎。班高命婦。
而乃乘龍于絳帳。埋玉于青溪。三日結褵。便製諸兒之

小倉山房

卷三

三

文葆一盤。昔藉空勞。親手之羹。湯病已劇。而未使郎知。
身將殯。而始聞醫。至宜乎莊盆。慣鼓猶迴木石之腸。况
復潘鬢將衰。忍制瓊瑰之淚。然而福者邱里之欣德者。
竹素之耀數者。偶然之遇緣者。無盡之稱恭人丹心寸
意。不炫睫前遠迹。崇情頗期身後。故知花釵九樹。原非
桓孟之光。青史千年。裁是姬姜之壽。玉棺易墜。金簡難
湮。五時衣空。三生石在。學士又何必以無涯之情。愛悼
不駐之光陰也哉。枚愧無一束之芻。上作妻餘之薦。敢
奏九歌之曲。敬招瓊戶之魂。靈或有知。庶其來格。哀哉。

尚享

